

15.6428

15.6428

881.3



SPECIMEN HISTORICUM INAUGURALE

DE

CLEONE DEMAGOGO.

TYPE-SETTING BELINFANTE.
Hogar Comites.

SPECIMEN HISTORICUM INAUGURALE
DE
CLEONE DEMAGOGO,

QUOD,

ANNUENTE SUMMO NUMINE,

EX AUCTORITATE RECTORIS MAGNIFICI

GIDEONIS JANI VERDAM,

MATH. MAG. PHIL. NAT. DOCT., ET IN FAC. MATH. ET PHYS. PROF. ORDIN.

ET

NOBILISSIMAE FACULTATIS PHILOSOPHIAE THEORETICAE
ET LITTERARUM HUMANIORUM DECRETO,

PRO GRADU DOCTORATUS

SUMMIQUE IN PHILOSOPHIAE THEORETICAE ET LITTERARUM
HUMANIORUM DISCIPLINA HONORIBUS AC PRIVILEGIIS,

IN ACADEMIA LUGDUNO-BATAVA

RITE ET LEGITIME CONSEQUENDIS,

ERUDITORUM EXAMINI SUBMITTIT

CHRISTIANUS IANUS DE LUSSANET DE LA SABLONIERE,

HAGANUS.

AD DIEM XXIX M. JUNII, A. MDCCCLII, HORA II—III.

HAGAE COMITIS,
APUD FRATRES BELINFANTE.

MDCCCLII.



PRAECEPTORIBUS

AC

FAUTORIBUS

SACRUM.

INTRODUCTIO.



Quod, studiis meis Academicis finem impositurus, de Cleonis Demagogi vita agere decrevi, cum aliae fuerunt causae, tum ea, quod fere omnia, quae eo pertineant ex purissimis ac saluberrimis fontibus haurienda esse vidi. Rerum enim quas in Republica administranda gesserit Cleo, summa et vero ratio intima tota fere cognoscenda est ex aequalium, summi Historici alterius, alterius Poëtae lepidissimi et simul, si rationem, qua in Republica versatus sit, spectes, gravissimi, scriptis. In quibus pertractandis id ante omnia agendum mihi esse censui, ut de una alterave, quam uterque tetigisset, re, quid inde confici posset, investigarem. Quae propterea praemonenda esse censui, quod persuasum mihi est, multa, quae in seriorum scriptis de Cleone commemorantur, me comperta non habere, qui praeter unam, (quam mihi perlustrandam dedit Promotor aestumatissimus, Vir Clar. J. Bake,) Kortuemii V. Clar. de Cleone dissertationem, (Philologische Beiträge

aus der Schweiz, von Bremi und Döderlein 1819.) quae neque absoluta est et in Reipublicae Atheniensium, Cleonis aetate, conditione depingenda fere tota versatur, vix quidquam notum habui ex iis, quae, a VV. DD. olim elaborata vel agitata, ei qui de Cleonis vita quaestiones vel dirimere vel novas proponere quaerat, non sint ignoranda.

Hoc autem meum quaecumque opusculum jam perduxeram ad finem, cum auctor mihi fuit Vir Clarissimus Bake, ut Grotii viri Doctissimi opus, cui titulus History of Greece, quod antea nonnisi per censuram cognoveram, studiose evolverem, cum meo compararem labore, eumque ex illo, quantum opus esset, supplere aut etiam emendarem. Mox tamen intellexi me non posse Viri Docti de Cleone observationes in meum usum convertere, nisi totam dissertationem refingerem. Etenim Grote V. D. flagitare videtur, ut de Cleone secundum ipsius principia politica, ut ita dicam, iudicium feratur, abjecta praeiudicata illa opinione, qua Thucydidis et Aristophanis scripta nos imbuerunt, quos ambos a partium studio non fuisse vacuos, ideoque non sine magna cautione esse usurpandos simul probare conatur. At mihi non tam certo constare videtur, quam ponit Grote V. D., Cleonem firma illa habuisse principia politica, qualia a nostris viris politicis exspectare licet.

Itaque haec quaestio ante omnia solvenda esset illi, qui Grotii V. D. de Cleone sententiam in examen vocare vellet, quod a scriptore speciminis Academici non postulari potest.

Studii igitur, quo in Thucydidis et Aristophanis scriptis perlustrandis versatus sum, ea, quae scripsi, specimina potius habeantur velim, quam voluntatis indicia novi quid, vel etiam docti de argumento, graviore, ut vereor, quam quod recte a me tractari possit, in medium proferendi.

Superest ut gratum animum significem Praeceptoribus, Viris Clarissimis, quorum egregia institutione frui mihi contigit. In horum autem praeclarorum virorum laudibus praedicandis, si animo obsequi vellem, multus essem. At probe scio, tantos viros meo profecto praeconio facile carere posse; hoc tamen sciant nunquam fore ut illorum memoria ex animo meo evanescat.



CAPUT PRIMUM.



In Thucydidis opere Cleo non ante memoratur quam narratio pervenit ad quintum belli Peloponnesiaci annum, ejus anni aestivo tempore, Ol. 88, l. h. e. 427. a. Chr. n., post mortem Periclis mense fere vicesimo, ¹⁾ orationem coram populo habuit de Mytilenaeis, qui Atheniensibus nuper se dederant, ὧν καὶ ἐς τὰ ἄλλα βιαιώτατος τῶν πολιτῶν, τῷ τε δῆμῳ παρὰ πολὺ ἐν τῷ τότε πιθανώτατος; ²⁾. Ab illo igitur tempore certissima et uberrima de ejus vita documenta adsunt; inde initium erit ducendum, ubi de ejus in Republica administranda facinoribus judicium erit ferendum. Pauca vero praemittenda sunt de iis, quae de priore ejus vitae parte comperta habemus.

Nomen Cleonis VV. DD. testantur pluribus et Atheniensibus et aliis commune fuisse, de quibus disquisitionem institnere ideo minus utile duxi, quod nullum locum me invenire memini, ubi incertum videretur, utrum de nostro an de alio Cleone sermo esset. Patris nomen,

1) Thuc II, 65.

2) Thuc III, 36.

Cleateneti, duobus Thucydidis locis commemoratur, III, 36, IV, 21; semel occurrit in Aristophanis Equitibus vs. 573:

Καὶ στρατηγὸς οὐδ' ἄν εἰς

τῶν πρὸ τοῦ σίτησιν ἤτησ' ἐρόμενος Κλεαίνετον
cujus loci leporem quisque sentiet, dummodo intelligat de Cleonis patre sermonem esse; scholiasta perinepta quaedam, nec sine dubitatione, ad locum explicandum affert, nostrum vero ad Eqq. vs. 44. Cleonymi filium esse tradit. De anno quo natus sit Cleo nihil constare videtur; illo vero, quo in Republica administranda versatus sit, tempore, nec admodum juvenem, nec aetate provectum eum fuisse, non est quod dubitem ¹⁾.

Infimo loco natum enim esse, multi opinantur, quippe qui, teste Aristophane, coriis praeparandis ac vendendis vixerit. Videtur habuisse officinam servorum pelles subgentium, quod, ut de patre tradit Scholiasta ad Eqq. vs. 44, ita de ipso Cleone colligere licet e variis Aristophanis locis, ex. gr. Eqq. vs. 315 sqq., 868, nec non c vs. 894 sqq.:

Τὸν καυλὸν οἷσθ' ἐκεῖνον

τοῦ σιλφίου τὸν ἄξιον γεγόμενον.

Ἐπίτηθις οὗτος αὐτόν ἔσπευδ' ἄξιον γενέσθαι.

nam quid coriario cum silphio sit, apparet ex loco Hermippi Comici apud Athen. I. 28, *ἐκ μὲν Κυρήνης καυλὸν καὶ δέρμα βοείον*. Hoc autem Comicorum jocos ansam dedisse

1) Ante Stratoclem, qui Ol. 66, 4. Archon fuit, eum Senatorio munere functum esse ex Eqq. vs. 774 constat; hoc igitur tempore triginta annis major fuit.

non mirum est; quid valuerit in loco, quem in Republica occupavit Cleo, constituendo, quaeri poterit, ubi de Demagogiae, quam exercuit, ratione sermo erit.

Per se incerta sunt ea, quae de ejus re familiari ab Aeliano Var. Hist. Lib. X, Cap. XVII e Critia traduntur: *ομοίως δε καὶ Κλέωνι* (ita enim pro vulgata *Κλέωνα* legendum videtur) *πρὸ τοῦ παρελθεῖν ἐπὶ τὰ κοινὰ μηδὲν τῶν οἰκείων ἐλευθερον εἶναι*, ubi quid sit *ἐλευθερον εἶναι* e Demosthenis loco contra Lacritum, pag. 930, ed. Reisk. confici poterit ¹⁾.

Civem vero Atheniensem ²⁾ optimo jure, nec adeo e tenuioribus eum fuisse, inde suspiceris, quod Aristophanes neque originem servilem aut barbaram, neque vitia parentum ei exprobrat; nam quod Scholiastes ad Eqq. Paphlagonis, quam fert personam Cleo, vs. 2, *νιώνητον*, vs. 43, *τῇ προτέρα νοσηνία* illuc refert, et in Vespp. vs. 62, ejus *δυσγένειαν* respici putat, nihili est.

Ante mortem Periclis eum rempublicam jam capessivisse, mox videbimus. Quantum vero ille auctoritate valuerit, qui, teste Thucydide, in civitate ad popularem rationem exacta quasi regnum obtinuerit, notum est, nec hujus

1) Nimirum debitis nullis gravatum. Cf. Gronovius ad l. l.

2) Cydathenaeus erat, Cf. Boeckh. Corp. Inscr. 215; Cleomedontem enim nostri filium esse patet ex Demosthenis Orat. in Boeotum de Dase, pag. 1016. *Κλειονίδου οὗ γὰρ τὸν πατέρα Κλέωνα, τῶν ὑμετέρων προγόνων στρατηγούτου, Λακεδαιμονίων πολλοὺς ἐν Πύλῳ ζῶντας λαβόντα μάχουσι πάντων ἐν τῇ πόλει εὐδοκμήσαν* Cf. Antistoph. Vespp. vs. 895 *Ἐγγράφου κίων Κνυθαθηματὶς Ἀδβητ' Ἀϊζωρία* — et Schol. ad h. l.

loei esse videtur, ut de ejus in Republica gerenda partibus quaestio instituatur. Id vero pro certo sumere licet, propter Perielem neminem, illo vivente, certa auctoritate in Republica usum esse, nisi qui aut ad Perielis societatem accederet, quod de Metiocho, Menippo aliis a Plutarchi Reipubl. Gerend. Praecept. XV. accipimus, aut adversa ei factione niteretur, qualem Thueydidem Melesii fil. fuisse tradunt. Neutrum vero de Cleone statui potest, quum et Perieles, ut post illum Cleo, apud plebem plurimum valuerit, et Cleonem Perielis fuisse adversarium Hermippi verba apud Plutarch. Periel. XXXIII, ostendant. Unde, quum obscuriora quaedam insint ¹⁾, colligi tamen potest Cleonem in Perielem invectum esse, quod hic, quum praetor esset, verbis potius quam armis bellum gereret. Et factum igitur, quo pertineant verba poëtae, et ipsam, unde sumta sint, fabulam ad intervallum inter primam et alteram Peloponnesiorum in Atticam invasionem referenda esse arbitror, quo tempore Perieles, mox, altero belli Peloponnesiaci anno, ipse classis imperium gesturus, praeter unam in Megaridem expeditionem, anni a. Chr. n. 431 auctumnali tempore, omnia collegis suis gerenda reliquisset. Vix enim id probari posse credo, quod Plutarchus l. l. significare videtur, ad ipsum primae invasionis tempus et Perielis de agro Attico hostibus relinquendo consilium illa pertinere, quum et constet nullas hoc tempore conciones esse

1) Vs. 6, pro *ῥήγχις* (*ῥήγχις*) legendum videtur *ῥήγχις*. Ceterum quatenus sit sententia inde a vs. 4 non satis intelligo, et prope absum ut inter sextum et septimum, verum exidisse putem.

habitas ¹⁾ et ipsum Cleonem, licet verissime dixerit Plutarchus l. l. *ἐπιτίετο δὲ καὶ Κλέων ἤδη διὰ τῆς πρὸς ἐκείνον ὀργῆς τῶν πολιτῶν πορευόμενος ἐπὶ τὴν δημαγωγίαν*, vix Periclis de Athenarum urbe defendenda consilio adversatum esse, id vero petivisse probabile sit, ut Periclem aut populi gratia prorsus expelleret, aut ubi restitisset, in rebus potius bellicis quam in iis, quae domi gererentur, administrandis versari cogeret.

Ex his igitur de Cleonis, quas, Pericle vivente, in Republica obtinuerit partibus nihil constat, nisi Periclis eum adversarium exstitisse, quum in eo jam esset ille, ut populi, qua valuerit, gratiam amitteret. Eadem ratio est eorum, quae a nonnullis traduntur de Cleone, eum vel Anaxagorae, vel etiam Periclis, anno a. Chr. n. 430, accusatorem exstitisse ²⁾.

Quod si Periclem accusaverit, non opus tamen est ut credamus, propositum ei fuisse, ut populum ad alia, quam ea, quae ille indicasset, impelleret; videatur enim Thucydides, II, 65: οἱ δὲ (Ἀθην.) δημοσίᾳ μὲν τοῖς λόγοις ἀντεπίθοντο καὶ . . . οὐ μέντοι πρότερόν γε οἱ ξυμπαγεῖς ἐπαύσαντο ἐν ὀργῇ ἔχοντες αὐτόν, πρὶν ἐζημίωσαν χρήμασιν.

1) Cf. Thuc. II, 22 initio; Plutarch. Pericl. Cap. XXXIII.

2) Diogen. Laërt. II, 3, 9. Σωκίων μὲν γὰρ φησὶν — ἐπὶ Κλέωνος αὐτόν (Anaxagoram scil.) ἀσεβείας καθεῖναι . . . Σάντρος δ' ἐν τοῖς βίαις ἐπὶ Θουκυδίδου φησὶν εἰσαχθῆναι τὴν διακν. Sed vide Plut. l'et. XXXII.

Id. XXXV. Ἐπεγράφη δὲ τῇ διακν (scil. Pericl.) κατηγορίας, ὡς μὲν Ἰδομενεὺς λέγει, Κλέων, ὡς δὲ Θεόφραστος, Σωκίας (ita nomen scribendum esse in lectionibus suis docuit Clar. Cobet) ἡ δὲ Ποσειδώνος Ἡρακλείδης Αναξαγόραν εἰργκεν.

Nec probabile mihi videtur Cleoni quidquam esse tribuendum eorum, quae traduntur a Thucydide, II, 59. οἱ Ἀθηναῖοι τὸν μὲν Περικλέα ἐν αἰτίᾳ εἶχον ὥς πείσαντα σφᾶς πολεμεῖν, καὶ δι' ἐκείνον ταῖς ξυμφοραῖς περιπεπωκότας, πρὸς δὲ τοὺς Λακεδαιμονίους ὥρμητο ξυγχορεῖν¹⁾ καὶ πρέσβεις τινὰς πέμψαντες κτέ.; talia, ni fallor, in snum usum convertisset Aristophanes. Ubienimque vero recentiores in iis, quae de Periclis ac belli Peloponnesiaci temporibus alinnde nota sunt, Cleoni partes tribuant, eo attendendum mihi videtur, quod mos fere veterum fuerit, nt ad Cleonem ea referrent, quae in scriptis ex ejus tempore superstitis demagogum spectare videntur¹⁾, cnjus rei, ut analogiam cernas in Aristophanis Pace, vs 43, sqq:

οὐκοῦν ἄν ἤδη τῶν θιατῶν τις λέγοι

.

δοκέω μὲν, ἐς Κλέωνα τοῦτ' αἰνίττεται;

memorable exemplum exstat in iis, quae de Heraclidis Pontici opere ad nos pervenerunt. Nec tamen eo referatur velim id, quod de decreto contra Aeginetas, auctore Cleone, lato, quod jure, ut mihi videtur, a nonnullis pro fabuloso habetur, tradere perhibent Aelianum Var. Hist. Lib. II. 9, ubi ea, quae scripta sunt, καὶ τοῦτο ἐψηφίσαντο, εἰσηγησαμένου Κλέωνος, τοῦ Κλεινίτου, ad solum contra Mytilenaeos decretum pertinere videntur.

Commemorandus praeterea videtur locus ex Aristophanis

1) Cum laude tamen Cleo memoratur a Demosthène in Boeotum de Dote, p. 1016.

Eqq. vs. 438, ubi Isiciarius ille Cleonem conviciis persequens, haec dicit :

Σὲ δ' ἴκ' Ποτιδαίης ἔχοντ' ἐν οἴδᾳ δέκα τάλαντα.

Ibi enim a poëta illa tangi, quae jure Cleoni objici posse viderentur, suspiceris ex Cleonis responso :

Τί δῆτα; βούλει τῶν τάλαντων ἔν λαβὼν σιωπᾶν;

Haec vero et incerta sunt, nec, si Potidaeae deditionem, quae, ut facta sit, fraudis suspicionem movere possit, respici quis putet, cum Thucydidis de hac re naratione II, 70 componi posse videntur: non enim inter Atheniensium praetores fuit Cleo.

Ut vero non apparet, vivente Pericle certa apud populum auctoritate usum esse Cleonem, ita ne post illius quidem mortem populi gratiam statim sibi conciliasse, quo Periclis quasi successor habendus esset, testatur locus ex Aristophanis Eqq. vs. 128 sqq. Commemorantur ibi, qui ante Cleonem reipublicae praefuerint, stuppae alter venditor, quem Eucratem fuisse docet fragmentum Aristophanum in Scholio ad Eqq. vs. 254 servatum; alter ovium, quem, teste Scholiasta ad Eqq. vs. 132. Calliam alii, alii Lysiclem fuisse perhibebant. De Euerate parum mihi constat: ex Aristoph. Eqq. vs. 253 sq.

καὶ γὰρ οἶδε τὰς ὁδοὺς

ἄσπερ Εὐκράτης ἔφευγεν ἐνθὺ τῶν πυρρηβίων.

conjeceris forte eum, quum in jus vocatus ibique crimine absolutus esset, cum iis quae in Republica administranda sibi comparasset ad pristina negotia rediisse.

Callias iste quis fuerit, ignoro. Plura, nec illa a

nostro proposito alicna, de Lysicle comperta habemus.

Lysiclem, Atheniensium praetorem, quarto belli Peloponesiaci anno, hiemali tempore, ad pecunias a sociis exigendas cum classe profectum in Caria occisum esse Thucydides III. 19. tradit. Filium enim Abronichi fuisse, Kruegerus, ut ex VV. DD. ad Thucydidis locum annotatione cognovi, ex Herodoti Lib. VIII. 21, Thucyd. I. 91, nec, ut mihi quidem videtur injuria, colligit.

Aeschines Socraticus auctor est, Lysiclem *προβατοκόπην* ac demagogum, post Periclis mortem cum Aspasia vixisse, quae ex *ἀγεννοῦς καὶ ταπεινοῦ τὴν φύσιν* primum Atheniensium eum reddiderit ¹⁾. Ejus cum Aspasia consuetudinem tangi arbitror Aristophanis loco, ubi una cum scortis a Cleone memoratur, Eqq. vs. 765:

βέλτιστος ἀνὴρ μετὰ Λυσικλέα καὶ Κύρναν καὶ Σαλαβακχῶ.

Προβατοπώλην vero ubi dixerit Aristophanes rempublicam Atheniensem aut Cleonem administrasse, Lysiclem Aspasiae amatorem cum voluisse, Aeschinis testimonium dubitare non sinit. Praetorem autem eundem fuisse ac demagogum, apparet ex eodem Aristophanis loco. Ubi enim Nicias vs. 183, quaerit: *καὶ τί τὸνδε χρὴ παθεῖν;* Demosthenes, *Κρατεῖν*, inquit, *ἵως ἕτερος ἀνὴρ βδελυρώτερος αὐτοῦ γένοιτο, μετὰ δὲ ταῦτ' ἀπόλλυται. Ἐπιγίγνεται γὰρ βυρσοπώλης ὁ*

1) Cf. Plutarch. Pericl. XXIV. Παρορατ. i. v. Ἀσπασία. Ceteros qui hic pertinent locos annotare inutile duxi.

Παφλαγών ¹⁾). Inde colligere licet, mortem Lysiclis et Cleonis ad rempublicam accessum eodem tempore accidisse, quod, ut cum Thueydidis narratione eximie convenit, ita Cleonis demagogiae initium in extrema anni ante Chr. n. 428 parte ponendum esse ²⁾ ostendit. Lysiclem vero ingenio potius ac moribus quam genere ignobilem fuisse, ubi et munus quo functus sit, et probabilis de patre conjectura, et vero Aspasiae cum eo consuetudo postulare videantur, non video cur illud, quod ovium venditor dicatur, contrarium probare credamus ³⁾.

1) Non urgenda mihi videntur sqq. vs. 138:

τὸν προβατοπάλην ἦν ἄρ' ἀπολίσθαι χρεὼν
ὑπὸ βυρσοπύλου.

2) Olymp. 88, 1.

3) Vix dubitari potest quin *προβατοπάλης* cum irrisione etiam is dici potuerit, qui quam ovium greges aleret, ut inde quam plurimum commodi caperet, illiberalius agere videretur. Quid vero sibi voluerit Scholiasta ad Eqq. 739. *νευρορέαφος δὲ φησὶ δὲ τὸν προβατοπάλην Ἀνικλῆα*, me non intelligere fateor.



CAPUT SECUNDUM.



Ad ea jam perueni, quae mihi proposita esse initio hujus opusculi significavi, ut quanam in Republica administranda Cleonis fuerint partes, ex Thucydidis praesertim et Aristophanis scriptis colligerem. Quod ut recte fieri possit, verbo erit indicandum, tum quo fuerit animo erga Cleonem, tum quid de Republica, ubi ille eam capesseret, senserit uterque. Constat Thucydidem Periclis, ut rempublicam gesserit, admiratorem fuisse. Quod non ita acceptum velim, quasi popularem illam rationem, Atheniensium reipublicae inde a Solonis tempore adaptatam, a Pericle vero elaboratam iisque accommodatam, quae, quum ipsius tempore vel paullo ante civibus ejus contigissent, reipublicae fortunam quasi fulcire et vero totam continere viderentur, prae ceteris regiminum formis et ex rata sententiâ probaverit Thucydides. Quaestio vero, quae eo florente, una maxime agitata est, ad belli contra Peloponnesios gerendi necessitatem ac rationem pertinebat. Eam vero Periclis personam vidit et expressit Thucydides, ut illum, quod quaestionem istam ex uno rerum nexu dijudicasset, de via, quae ipsi ac civibus ingredienda

esset, nullum dubitasse, nec ullam, (scil. viam) quae ad salutem duceret, vidisse dixeris, praeter ea, quae de ratione, qua Peloponnesiorum ante bellum jussis respondendum, res Attica per bellum defendenda esset, populo suadentem eum videmus: maris enim imperium tenendum esse, nec, si illi recte studerent Athenienses, quidquam amplius desiderari, ut belli periculis tuti evaderent; ubi vero tenerent, non esse, quo bellum vitarent agrumque ab hostium invasionibus tnerentur ¹⁾). Quae vera eum vidisse quin Thucydidis fuerit sententia dubitari vix potest, qui et in proöemio, quod dicunt, si quid in Graecia potentiae exstisset, maritimis fere illud copiis tribuat, quibus olim studuerint civitates (exemplo sint ea, quae scripsit I. 15: *ισχὺν δὲ περιποιήσαντο ὁμῶς οὐκ ἐλαχίστην οἱ προσσχόντες αὐτοῖς (τοῖς ναυτικοῖς), χρημάτων τε προσοδὸν κτέ.*), et metum, quem Lacedaemoniis injecerit Atheniensium imperium, veram fuisse causam cur bellum Peloponnesia-cum motum sit dicat I. 23, 88, et Periclem de belli eventu ac periculis recte judicasse remque Atheniensium, quae illo praesertim gerente in majus creverit, vel firmiorem fuisse, quam ille opinatus esset, eventum comprobasse, testetur II. 65: *ὅσον τε γὰρ χρόνον προὔστη τῆς πόλεως ἐν τῇ εἰρήνῃ, (Περικλῆς) μετρίως ἐξηγείτο καὶ ἀσφαλῶς διεφύλαξεν αὐτήν, καὶ ἐγένετο ἐπ' ἐκείνου μεγίστη ἐπεὶ τε ὁ πόλεμος κατέστη, ὁ δὲ φαίνεται καὶ ἐν τούτῳ προγνούς τὴν δύναμιν κτέ Τοσοῦτον τῷ Περικλεῖ ἐπερίσσεισε τότε, ἀφ' ὧν*

1) Ex prima ac tertia praesertim quas fluxit Thucydides, Periclis Orationibus lata colligo.

*αὐτὸς προέγρω, καὶ πᾶν ἂν ἐαδίως περιγυρεῖσθαι τῶν
Πελοποννησίων αὐτῶν τῷ πολέμῳ.*

Ubi autem Periclis de externis Atheniensium civitatis rebus consilia probavit Thucydides, dubitari nequit, quin rationem quoque popularem, ut esset et Athenis una valeret, acceperit, quae, ut semper arctissimo necessitatis vinculo cum maritimis Graecorum studiis conjunctam eam fuisse inter omnes constare credo, ita egregie a Pericle iis adaptata fuerit necesse est, quae ad maris imperium Atheniensibus servandum et in civium usum convertendum accommodata essent, ubi cives vel agros moresque paternos, ut loco, quem in Graecia propter maris imperium tenerent, vel ulla ex parte expelli viderentur, deserere libere decreverint. Nec in Republica Atheniensium post mortem Periclis nova exstiterunt, nisi quod ille auctoritate, ingenio, fide, unus in Republica valebat, ii vero, qui post eum vixerunt, quum inter se pares scire essent, primumque in civitate locum quisque peteret, in omnibus sibi prospicere, ac populi simul libidini quocumque modo indulgere coacti fuerunt. Quae ita a Thucydide l.l. exponuntur ac suis quaeque causis tribuuntur, ut pateat, eo iudice, praeter illa vix quidquam fieri potuisse; unde jure quis suspicetur, de singulis, quae male ac ipsorum causa gesserint ii, qui post Periclem reipublicae administrandae praecurrant, de Demosthenis, si exemplis opus est, in Aetoliam, Hippocratis in Boeotiam expeditionibus, judicium non ita severum eum ferre. Quin res ita enarrare valet summus Historicus, ut singula fere ex ipsis, quae tradantur, factis, non ex

scriptoris verbis dijudicanda sint. Ab illa autem consuetudine aliquanto discedit Thucydides, ubicunque fere Cleonis res gestae ei tangendae sunt; primo, ubi memoratur loco, jam dicitur βιαίωτατος τῶν πολιτῶν III 36; paci adversatus esse traditur, γενομένης ἡσυχίας καταφανέστερος νομίζων ἂν εἶναι κακουργῶν καὶ ἀπιστότερος διαβάλλων, V. 16; ejusdem generis plura invenientur in iis, quae de ejus ad Pylum et Amphipolin rebus gestis narrantur. Ejusmodi ista sunt, ut scriptorem non tantum ea quae gesserit Cleo, enarrare, verum etiam de industria ejus pravitatem notare dicas; nec mirum est, suspicatos esse nonnullos, quorum unum esse video Meierum, V. D. ¹⁾ Cleone auctore, προδοσίας γραφήν in illum institutam esse et a iudicibus damnatum exsilii poena affectum esse reum ²⁾. An vero de

1) Cf. ejus Libell. de Bon. Danisat. pag. 179.

2) Thucydidis post Amphipolin captam exsilium non fuisse voluntarium, quod nonnullos censere video, colligo ex Thuc. V. 26, γενομένη παρ' ἀρροστέρις τοῖς πράγμασι, καὶ οὐχ ἥσσαν τοῖς Ἡελοποννησίων διὰ τὴν φυγὴν. Hoc et Cicero affirmat in Libr. II de Oratore Cap. 13, ubi cum a republica remotum in exsilium pulsum esse dicit. Quae Schol. ad Arist. Vespp. vs. 947, hac de re refert, turbata sunt; hic enim Thucydidem Historicum cum Thucydido Melesii filio, Periclis in republ. adversario confundit. De Cleonis in decreto de illo exsilio ferendo partibus duo afferuntur loci ex vita Thucydidis, quae, quum e diversorum scriptorum fragmentis conflata esse videatur VV. DD., uni Marcellino tribui solet, § 26, ἔγραψε δ' οὐδ' οὕτω μηχανικῶν τοῖς Ἀθηναίοις, ἀλλὰ φιλικῶς ὣν καὶ τὰ ἥθη μέτρος, εἴ γε οὕτε Κλέων παρ' αὐτῷ οὕτε Περσίδας ὁ τῆς συμφορᾶς αἰτίας ἐπίλυνε λουδορίας; § 46: ἰσχυροδιδέθη ἱππ' Ἀθηναίων, διαβάλλοντος αὐτὸν τοῦ Κλέωνος, διὸ καὶ ἀπερχόμεται τῷ Κλέωνι καὶ ὡς μεμνηότα αὐτὸν εἰσάγει πανταχοῦ. Ex altero vero num colligi possit Thucydidis Cleonem fuisse accusatorem, valde dubito; alterum, quominus conjecturam potius scriptoris quam factum, quod invenerit, continere credamus, nihil, ut mihi quidem videtur, impedit.

ejusmodi causa iniquius de Cleone iudicium ferre Thueydidem, ex ejus narratione colligendum sit, mihi non liquet, quum ceteros ejusdem generis Demagogos, quos ex Aristophane novimus, Hyperbolum (*μοχθηρόν ἀνδρωπορον*, Thuc. VIII. 73.) aliosque vix unquam memoret.

Aristophani, quum omnia fere ei, quippe Comico, ut risum moveret carpenda essent, multa tamen illaque ad intimam reipublicae rationem pertinentia, vere displicuisse ejus fabulae docent. Ubi in rem judicariam Atheniensium, in Sycophantas, in Demagogorum pravitatem, in populi, qui speciosis ipsorum consiliis et calumniis se decipi pateretur, dementiam invehitur, vix ullum dubium est, quia vitia tangat, quibus, ut erat respublica Atheniensium, frustra quis remedia quacsivisset; constat vero mala ista in pejus ruisse per bellum, quod agricolas in urbem migrare coegerit, plebem igitur egenam ac turbulentam ibi auxerit, animos denique civium suspicione impleverit ac demagogorum calumniis magis magisque adstriuxerit, quae ipse depinxit poeta in Pace vs. 632. sqq.:

Κἄτα δ'ὥς ἐκ τῶν ἀγρῶν ξυνηλθεν οὐργάτης λεώς, κτέ.

Quare nemini mirum accidet, pacis illum in fabulis fautorem ac suasorem exstitisse: de belli initiis ejusque auctore, quem dicit, Pericle, odiosa ac ridicula quaedam profert, quae, ut jure quis miretur historiae scriptores suis operibus illa inscruisse, refutare non est hujus loci; irridet belli ducibus, quibus alibi nec ipse meritas laudes denegat; ruris, quas amiserint cives, delicias praedicat. Nec tamen ideo in eorum numerum referre eum opus est, qui in

tertia, quam fluxit Thucydides, Periclis oratione notantur ac refelluntur, ubi de Atheniensium ἀρχῇ: ἥ; οὐδ' ἐκστῆναι ἔτι ὑμῖν ἔστιν, εἴ τις καὶ τόδε ἐν τῷ παρόντι διεδώ; ἀπραγμοσύνη ἀνδραγαθίζεται; ὡ; τυραννίδα γὰρ ἔχει αὐτήν, (Thuc. II. 63).

Ut enim populus Periclis quidem consilia sequi decrevit, Aristophanis tamen ea, quae de pace praedicavit, non sine voluptate audivit, nihil impedit quominus et poëtam in istis quidem sibi placuisse, sensisse tamen credamus, non satis ea sibi constare, ut inde ea peti possent, quae reipublicae salutem ferrent. Ubi vel populi dementia perstringit, saepe sollicitum eum deprehendimus ne cives offendat, nec ullum fere novi locum, ubi certa reipublicae gerendae praecepta det, praeter Ranarum illum vs. 686 sqq.:

*Τὸν ἱερὸν χόρον δίκαιόν ἐστι χρηστὰ τῇ πόλει
ξυμπαραίνειν καὶ διδάσκειν κτέ.*

multa, quae veram poëtae sententiam de iis, quae in salutem reipublicae molicnda essent, continere quis credat, (exemplo sint laetissima illa ac splendidissima de populo regenerato, versus finem Equitum), pro uberrimi potius ingenii figmentis habenda sunt. Ut vero de civium, in urbana per bellum vita, artibus multa improbavit, ideoque pacem commendare non desiit, vix aliter fieri potuit, quin vel maxime odisset Cleonem, quem et pacis adversarium et eorum fere, unde praesertim Aristophanis in bellum crevit odium, quasi auctorem fuisse mox videbimus.

Aliae mox inter Aristophanem et Cleonem irac exstiterunt.

Anno enim a. Chr. n. 426, h. e. Ol. 88, 2. Dionysiis urbanis, fabulam, Babylonias nomine, docuerat poëta, auctore Callistrato ¹⁾).

Perstrinxit ibi, teste Scholiasta ad Acharn. vs. 378, et alia et Cleonem; quod tam aegre tulit hic, ut eum, qui fabulam docuerat, coram senatu accusaret, quod rempublicam laesisset ²⁾. Callistratusne an Aristophanes fuerit is, cui istam litem intenderit Cleo, mihi non liquet. Illud quidem, ut alia non desint argumenta, ideo praesertim probem ³⁾, quod neque in ceteris fabulis, si quid vidi, eam memoret Aristophanes, et in Acharnensibus, quae, anni ante Chr. n. 425 Lenacorum festo, Callistrato item auctore, acta est fabula, multaue de illa lite continet (vs. 377 sqq., 502 sqq., 630 sqq.,) ubi poëta de se loquatur, Callistratum significari colligas ex scholio ad vs. 654: οὐδεὶς ἰσόρῃκει ὡς ἐν Αἰγίνῃ κίπτεται τι Ἀριστοφάνης, ἀλλ' ἔοικε ταῦτα περὶ Καλλιστράτου λέγεσθαι, ὃς κεκληροῦχηκεν ἐν τῇ Αἰγίνῃ μετὰ τὴν ἀνάστασιν Αἰγινητῶν ἐπ' Ἀθηναίων, cujus certe non minor videtur esse auctoritas quam eorum, quae, ut contrarium probetur, ex iis, quae de Aristophanis vita scripta sunt, afferri possunt. Res tamen dubia manet, quod ex Eqq. 512 sqq., ἃ δὲ θαυμάζειν κτλ. constare

1) Quod constat Suidae testimonio in v. Σμίων ὁ δῆμος τοὺς δι Βαβυλωνίους ἰδίδουε διὰ Καλλιστράτου Ἀριστοφάνης· ἔτετο πρὸ τοῦ Ἐνελίδου καὶ (sic correxit Clintonus in Fastis Hellen., vulgo καὶ legitur) ἐπὶ Ἐκλείου.

2) Ut testatur ipse poëta in Parnab. Acharnensium vs. 631: ὡς κομῶμεν τὴν πόλιν ἑμῶν καὶ τὸν δῆμον καθ' ἑβδόμην.

3) Contrariam sententiam amplectitur Meinek. V. D. Cf. Fragn. Com. Graec. Vol. II, - Pars II, pag. 932 sqq.

videtur, multos notum habuisse, quis fabulas illas per Calistratum doctas scripsisset. Id vero teneudum est, litem illam poëtae coram senatu, per *εἰσαγγελίαν* ut videtur, a Cleone intentatam nihil commune habuisse cum *ξενίας* ista *γραφῇ*, de qua jam agendum mihi erit. Quum enim anno a. Chr. n. 425, aestivo tempore, auctor exstitisset Cleo, ut pacis, a Lacedaemoniis oblatae, conditiones a populo rejicerentur, mox, secunda fortuna adjutus, res, quae Pylo gerebantur, Atheniensibus vindicasset, summaque apud populum valeret auctoritate, Aristophanes primum suo nomine, anno post actos Acharnenses, 1) Equitum fabulam, totam in Cleonem acerrime scriptam, in scenam misit, 2) quae et palmam tulit, et primum obtinuit locum inter ea, quae contra Cleonem egit poëta. In fabulis enim, quas, illo vivente, post Equites in scenam protulit, Nubibus ac Vespis, quibus adjuuge Pacem, aliquot post ejus mortem mensibus actam, tangitur quidem Cleo, nec tamen nisi paucis locis et sine certo illo, quod in Equitibus conspicitur, consilio. Quod nonnullos pactioni tribuisse, quam cum Cleone metuens iniisset poëta, ipsius verba docent Vespp. vs. 1284 sqq.:

Εἰςί τινις; οἷ' μ' ἔλεγον ὡς καταδιηλλάχην κτλ.

1) Cf. Equitum Didascalii: *Ἐδιδάχθη τὸ δράμα ἐπὶ Στρατοκλήους ἀρχοντος δημοσίᾳ εἰς Ἀθήνας δι' αὐτοῦ Ἀριστοφάνους καὶ πρώτος ἰνικα κτλ.*

2) Notum est in fabula illa Cleonis neque nomen occurrere, neque ausus esse eos, qui illa curabant, personam ad ejus imaginem fugere: Cf. Eqq. 230 sqq. *ἔργο τοῦ δέοντος γὰρ αὐτῶν οὐδεὶς ἤθελε τῶν σκευοποιῶν εἰσάσσειν.* Ex hoc male intellecto loco, ea orta esse suspiceris, quae in scholiis et iis, quae de vita Aristophanis scripta sunt, de ipso poëta, facie minime nuda, Cleonis partes agente, traduntur.

Cleonis, quae ibi memorantur, molestiae pertinere videntur ad *Ξενίας γραφήν*, a Scholiastis ac vitae Aristophanis scriptoribus cum priore illa, post actos Babylonios, accusatione confusam ¹⁾. Id quod hoc loco legitur vs. 1290: *ταῦτα κατιδὼν ὑπό τι μικρόν ἐπιθήκισα*, satis componi potest cum narratiuncula ista de versu Homérico ²⁾ a poeta coram iudicibus recitato, dummodo *σκαωμμάτων* illud, uti memorat vs. 1289, jocos in Cleonem, quos expectassent praesentes, significare voluerit, id vero, quod est *ὑπό τι μικρόν ἐπιθήκισα* ad ea pertineat, quibus iudicum risum, ut eorum animos demulceret, movere conatus sit. Ipse autem Aristophanes et ex iis, quae in Cleonem scripserit, audaciae laudem sibi petit, Vesp. vs. 1029 sqq.:

*Οὐδ' ὅτε πρῶτον γ' ἤρξε διδάσκειν, ἀνθρώποις φησ' ἐπι-
θέσθαι κτλ.*

.
*τοιούτων ἰδὼν τέρας οὐ φησιν δείσας καταδωροδοκῆσαι
ἀλλ' ὑπὲρ ὅμων ἔτι καὶ νυνὶ πολέμει*

1) Ut Schol. ad Acharn. vs. 378, *Ξενίας* quam memorat, *γραφὴν* ad priorem accusationem, ita Scholiasta ad Vesp. 1284, hanc refert ad ea, quae ipsi explicanda erant; inde vero, quod ne ea quidem intellexit, unde sua hausit, mirum illud commentum explicandum est, quod ibi legitur, *ἰψησίετο γὰρ ὁ Κλέων μὴδέ τι δεῖν κωμῳδίας ἐπὶ τῷ θιάτρῳ εἰσαγεσθαι, ὅτι δὲ ξένων παρόντων πολίτας ἰσχυρόν*.

Tertiam accusationem a Cleone contra Aristophanem latam esse colligas fortasse ex Gramm., qui vitam conscripsit, verbis: *δεύτερον δὲ καὶ τρίτον συκοφαντηθεὶς ἀπέφυγεν*.

2) Hom. Odys. A. 215, sq.

et cur post Equites actos minus acriter in eum invectus sit, causam significat Nubb. vs. 549 sqq.:

ὅς μέγιστον ὄντα Κλέων' ἔπαις' εἰς τὴν γαστέρα
 κοῦκ ἐτόλμησ' αὐθις ἐπιμπηδῆσαι αὐτῷ κειμένῳ ¹⁾.

1) In sola ea, qua nos utimur, Nubium editione ea lecta fuisse, post mortem igitur Cleonis scripta, constat. Cetera vero, quae de Cleone ibi leguntur vs. 581—594, scribi non potuisse nisi vivo Cleone apparet, itaque in prioribus Nubibus iam lecta esse, quae, (teste nota Didascalica: αἱ πρώται Νίφελαι ἐν αὐτῇ ἐδιδάχθησαν ἐπὶ ἀρχόντος Ἰσάαρχου,) anno ante Chr. n. 423, Dionysii urbanis, actae sunt.



CAPUT TERTIUM.



Post ea, quae dixi, non opus esse videtur ut explicem, cur in illo temporis puncto, quo Equites in scenam missi sunt, consistendum censuerim, ubi Cleonem depingentem rem publicam gerentem, gratia apud populum valentem, aequalium inde iudicio vel maxime obnoxium; praemittendam vero esse brevissimam duxi mentionem eorum, quae, ab illo inde tempore, quo in Republica versari coeperit Cleo, de rebus, quas gesserit, in rerum Graccarum contextu suis quaeque locis commemorantur.

De populiscito anni 427 a. Chr. n. aestivo tempore a Cleone contra Mytilenaeos lato, Thucydidis narrationem indicare sufficit ¹⁾; neminem enim ea morari credo, quae Scholiasta ad Luciani Timon. Csp. XXX. tradit ²⁾, quod scilicet ipse Cleo, Mytilenseorum donis corruptus, mutati

1) III. 36, sqq.

2) Cujus haec sunt verba: τῆς δὲ νυκτὸς ἐπιστάτης, ἐλθόντων ὡς αὐτὸν (Κλίωνα) τῶν ἐπιστημούμενων Ἀθηναίων Λισβίων καὶ δίκαια ταλάντως αὐτὸν ἀργυρίου μετελθόντων, μεταπεῖσαι πάλιν τὸν δῆμον.

Mirum accidit, quod Kortuemius Vir Clar. hunc locum in suam usum converterit, «preto diserto Thucydidis testimonio.

Atheniensium consilii fuerit auctor. In errorem inductus esse videtur Aristophanis loco, in Equitibus vs. 832 sqq., ubi isiciarius in Cleonem invecus:

Καὶ σ' ἐπιδείξω, inquit,

δωροδοκήσαντ' ἐκ Μυτιλήνης

πλεῖν ἢ μνᾶς τετταράκοντα.

quem vero, absurda fingentem, poetam de industria induxisse vel ex Chori, quae sequitur, alloentione colligi posse arbitrator. In fontibus autem quibus usus sit Scholiasta ille, quem ex Thueydide sua se hausisse profitentem vix satis mirari possum, rem ample et omnibus numeris absolute conscriptam fuisse, ex Cleonis ad Mytilenaeos epistolae mentione apparet. Scholion ad Aristophanis, quem indicavi, locum et emendatione indiget, nec, si vel textum in integrum restituissent VV. DD., magni esset momenti.

Quod unum praeterea monendum esse videtur, ex ipsa Cleonis apud Thueydidem oratione persuasum mihi est, non violatas esse leges, quod de eadem re bis in suffragium populum miserint ii, quibus illa agenda erant. ¹⁾ Ubi enim tale quid respici quis putet III, 37: πάντων δὲ δεινότατον, εἰ βέβαιον μηδὲν ἡμῶν καθεστήξει ὧν ἂν δόξη πέρι, μηδὲ γνωσόμεθα ὅτι χεῖροσι νόμοις ἀκινήτοις χρωμένη πόλις κρείσσων ἐστὶν ἢ καλῶς ἔχουσιν ἀκίροισ,

1) Οἱ ἐν πύλῃ, hoc loco, decem στρατηγοὶ esse videntur: penes hos enim convocandi populi in concionem jus erat belli tempore, si quid subiti accidisset, de quo extra ordinem cum populo agi oporteret, quum Prytanes contra in pace et ordinarias conciones convocabant. Cf. Thuc. II, 59: ἐτίλλογον ποιήσας (ὁ Ηθημολῆς) — ἔτε δ' ἐστρατήγει.

ultimis verbis rei potius, quae non ita multis demonstrari posset, cum iis, quae a populo actum iri metuebat, analogiam quaerere, quam horum rationem exponere Cleonem, vel ex iis apparet, quae sequentis capitis initio dicuntur, *Θαυμάζω μὲν τῶν προθέντων ἀνθ' ἵς περὶ Μυτιληναίων λέγειν καὶ χρόνου διατριβὴν ἐμποιησάντων, ὃ ἐστὶ πρὸς τῶν ἡδικηκότων μᾶλλον*, ubi praesentis facti uihil nisi consilium inopportunum reprehendi videmus; tota etiam, (quae Arnoldi a Poppone ad hunc locum laudata sunt verba), oratio Cleonis multo violentior et minacior futura fuisset, si prytanes vel praetores legem violassent, convocata iterum ad poenam Mytilenaeorum leniendam concione. Nec apte conferuntur ea, quae a Nicia dicta fingit Thucydides VI, 14: *καὶ σὺ, ὃ πρῶτανι κτέ.*; nam concionem, ubi illa acta sunt, fuisse *περὶ παρασκευῆς ... καθ' ὃ τι χρὴ ἐς Σικελίαν ἐκπλεῖν*, ipse Nicias affirmat VI, 9. — Alterum mox a Cleone perlatum esse populiscitum, quod supplicio affligeri iusserit primos Mytilenaeorum defectionis auctores, quorum numerus mille paulo excederet, Thucydides tradit, III, 50.

Ea, quae de reliqua ejus vita usque ad annum auct. Chr. u. 425 ex Aristophanis praesertim fabulis colligi possunt, quum nonnulla vel ad certa tempora referri posse videantur, minus tamen ad rerum Graccarum contextum pertinere ideoque melius tractari posse videntur, ubi de ejus Demagogia agendum erit. Hujus vero anni aestivo tempore factum est, ut belli quasi momento primas fere in Graccia partes ageret subitoque gratiae apud cives fastigium attingeret

Cleo; quare de iis, quae tunc temporis gesta sunt, pauca quaedam in medium proferenda esse videntur.

Lacedaemonii, primis belli Peloponnesiaci annis, rem ita fere gesserant, ut statis temporibus agrum Atticum vastarent, de ceteris, quae belli initio a se gestum iri decreverant, alia prorsus non, alia ita aggredirentur, ut nihil inde proficerent. Athenienses, altero belli anno, pestis eruptione afflicti, frustra per legatos a Lacedaemoniis pacem impetrare conati sunt, deinde, Periclis de bello gerendo sententiam rursus amplexi, in iis, quae extra illius consilium gesta sunt, sapius vel parum prospera usi sunt fortuna, ut in Lachetis contra Syracusanos expeditione, vel clades etiam passi, ut in iis, quae Demosthenes contra Aetolos molitus est; ubi vero in re sua defendenda ac servanda versati sunt, vix unquam offenderunt. Atheniensium igitur res, ut populus eam mente ceperat, non ferebat ut ipsi pacem peterent, nec video cur de illa aut quidquam coram populo actum, aut eorum animis obversatum esse credamus, qui illo tempore rempublicam gerebant. Monui jam non opus esse mihi videri, ut talia colligamus ex Aristophanis illis, quibus in Acharnensibus pacis commoda praedicantem bellicae suscepti consilium reprehendentem Dicaeopolin fingit. Facile vero futurum poterat videri, ut Lacedaemonii, quos jam fefellisset spes, qua bellum susceperant, fore ut paucis annis Athenienses prorsus devicti essent, ubi gravius quid iis accidisset, ultro pacem Atheniensibus offerrent.

Ad eum finem Lacedaemone legatos Athenas profectos esse, versus mediam aetatem anni a. Chr. n. 425, quum

Atheniensium classis magnam Spartanorum aliorumque Lacedaemoniorum manum in insula Sphaacteria inclusam teneret, ex Thueydidis narratione notum est; eodem spectare probabile est (nam pro certo affirmare non ausim, propter ea quae apud Thueydidem IV, 41 leguntur) isiciarii in Aristophanis Eqq. verba, vs. 794 sq.: *Ἀρχεπτολέμου δὲ φέροντος τὴν εἰρήνην ἐξισκεύδοντας*, ubi Archeptolemi nomen principis legationis fuisse multi opinantur; potius tamen Hippodami filium Atheniensem, ex Quadringentorum historia notissimum, significari credo, ejus auxilio in pace componenda, ut Niciae postea et Lachetis, usi sint Lacedaemonii; nam et populo nomen Lacedaemonii illius ita innotuisse, ut Aristophanis verba quisque intellexisset, si illum voluisset, parum mihi probabile esse videtur, et Archeptolemi ejus, quem volo, auctoritati Cleonis impndentiam noeuisset constat ex Eqq. vs. 322 sqq.

*Ἄρα δῆτ' οὐκ ἀπ' ἀρχῆς ἐδήλονος ἀναί-
δειαν, ἥπερ μόνη προστατὶ ἐητόρων:
ἢ σὺ πιστεύων ἀμίλγει τῶν ξένων τοὺς καρπίμους,
πρῶτος ὢν ὁ δ' Ἱπποδάμου λείβεται θιώμενος.*

Quae si quis Plutarchi testimonio infirmari credat, (Nic. VII) unde Niciam in illa quoque pace componenda primas partes egisse collegerit, vercor ut rationem teneat, qua ista adhibenda sint.

Ex Thueydidis narratione colligi nequit, certaene pacis conditiones a Lacedaemoniis sint propositae; id vero pro certo statui potest, eam rerum fuisse conditionem, ut rationes illae, quarum alterutrā nulli fere non paci adaptari

posset, ut paciscentes ea retinerent, quae aut bello incunte habuissent aut pacis tempore haberent utrique, multo facilius a Lacedaemoniis et Atheniensibus componi et in mediam quasi viam flecti potuissent, quam eo tempore, quo Niciae quae dicitur, pax conciliata est; utrique enim belligerantium potentia magis erant intacta, quod neque sibi invicem multa eripuerant, neque de viribus, quibus utrique bellum inicrant, defectione vel dissolutione perdiderant. Quae nisi perspexisse Cleonem, pacem vero omnibus viribus repellere voluisse statuas, vix intelligi poterunt ea, quae et de illorum, qui in insula inclusi erant deditione et de Nisaea, Pegis, Troezene, Achaja Atheniensibus reddendis cavenda esse populo persuasit.

Haec enim si reddenda curassent Lacedaemonii, Atheniensium dominationem auxissent simul ac firmassent, idque ita, ut praesertim contra Peloponnesios in posterum libere illis agere liceret; quod quin Lacedaemonios universis sociis invisos reddidisset, dubitari vix potest. Ut autem redderent opus erat, ut sociorum alios sua cedere cogerent, aliorum certa commoda laederent; Nisaea enim et Pegae Megarensium erant, Troezenii Lacedaemoniorum societati adscripti, Achaja denique et Pegis Atheniensium imperio subjectis, Corinthii ne sperare quidem poterant, fore ut a sinu Crisaeo marique Ionio vel quidquam commodi perciperent. Nemo autem credere poterat ea Lacedaemonios concessuros esse, quibus Atheniensium vires firmarent, sociorum odium, arma utique, provocarent, nisi de imperio quodam Graeciae quis cogitaret, quod constituendum et bipartito

inter se dividendum esse, Lacedaemoniorum et Atheniensium communis sententia esset. Fierine illa potuerint necne, mihi nunc non quaerendum esse videtur; id vero certum est, nequaquam illa a Cleonis aequalibus absurda esse habita, quum et post ea, quae, anno 421 ante Chr.n., inter se gessissent Lacedaemonii et Athenienses, multi tale quid eos moliri crediderint ¹⁾ et ipsius orationis, quam a Lacedaemoniorum legatis, propter eos, qui in Sphacteria erant, pacem petentibus, habitam fingit Thucydides, eo spectare videantur ultima verba ²⁾. Cleonem vero quominus ista voluisse statuamus vel illud prohibet, quod Spartanos illos captivorum instar Athenas duci postulavit, quo Lacedaemoniorum in Graecia auctoritatem vel maxime imminutum iri, ut postea apparuit, illo jam tempore pro certo haberi poterat. Vel cuius paci inimicum fuisse Cleonem, manifestius etiam fit ex iis, quae mox ut responderentur Lacedaemoniis, de rebus absque populo agendis petentibus, effecisse narratur a Thucydide, ³⁾ neque dubito quin illis praesertim tribuendum sit, quod, ubi paulo post pacis non acceptae populum poeniteret, contraxerit *ἐποψίαν* illam *περὶ τῆς κολιμῆς τῆς ξυμβίσεως* (IV, 27), quam ut solveret, ea molitus est, quae si fides Thucydidis narrationi,

1) Teste Thucydide V. 29: τοῦτο γάρ τὸ γράμμα ἡλίζα τὴν Πειλοπόννησον διὰ θορόβου καὶ ἐς ἐποψίαν καθέστη μὴ μετὰ Ἀθηναίων σφῆς βούλωνται Λακεδαιμόνιοι δουλώσασθαι.

2) IV. 20. ἡμῶν γάρ καὶ ὑμῶν ταῦτά λεγόντων, τὸ γε ἄλλο Ἑλλήνων ἔστι ὅτι ἐποθείσιν ὡς τὰ μέγιστα τιμήσει.

3) Vid. IV, 22: Κλέων δὲ ἐνεῦθα δὴ καὶ.

eum fere invitum ad summos in republica honores evexerunt ¹⁾).

De illa autem narratione id unum animadvertendum habeo, quod Demosthenis potius quam Cleonis in Sphacteriae expugnatione primas partes fuisse confirmat Aristophanes in Eqq. passim, inprimis vero vs. 54 sqq., ubi Demosthenes de Cleone:

*Καὶ πρῶην γ' ἐμοῦ
μαῖζαν μιμαχότος ἐν Πύλῳ Λακωνικὴν,
πανουργότατά πως περιδραμῶν ὑφαρπάσας
αὐτὸς παρέθηκε τὴν ὑπ' ἐμοῦ μιμαγμένην.*

De quaestione enim, quam ad illa movere quis possit, de Cleonis στρατηγία locoque eo pertinente ex Aristophanis Nubb. vs. 581—594, in sequentibus melius actum iri censeo. Populum Atheniensem tantum captivorum ²⁾ Lacedaemoniorum numerum magni esse in suis rebus momenti merito duxisse, facile quis videat, dummodo reputet ea, quae de ejus timore, quum Sphacteriae oppugnatione diutius trahi videretur ³⁾, de iis quae postea Lacedaemonii ad pacem impetrandam moliti sint, de decreto, quo agrum Atticum

1) Ea, quae Diodorus ultima a Lacedaemoniorum legatis petita ac dicta esse tradit XII, 63, neque cum Thucydida de illis narratione, neque etiam cum iis facile quis componat, quae de Lacedaemoniorum erga captivos crudelitate traduntur Thuc. II, 67, in fine.

2) Circiter trecenti in insula vivi capti sunt, quorum centum et viginti Spartinae erant (Thuc. IV, 38).

3) Vid. IV, 27: πάντων δὲ ἰσχυρόντα μάλιστα τοὺς Λακεδαιμονίους, οἳ εἰς ἔχοντάς τι ἰσχυρὸν αὐτοὺς ἰνόμεζον σὺν αἰεὶ σφίσι ἰππηγευαῖς εἶσθαι.

ab hostium invasione tutum reddiderint Athenienses, traduntur a Thucydide ¹⁾).

Nec mirum videbitur commoda, quae inde perceperint, ad Cleonem retulisse auctorem Athenienses, qui, quidquid aliorum ope fecerit, suo tamen stetit promisso, fore ut intra viginti dies Lacedaemonios ex insula captivos duceret Athenas; iniquius certe Aristophanis dictum est in eum, Eqq. 792 sqq.:

...ὁς τοῦτον (τόν δῆμον scil.) ὁρῶν οἰκοῦντ' ἐν ταῖς φιδάναισι
καὶ γυπαρίοις καὶ πυργιδίοις ἔτος ὄγδοον οὐκ ἐλταίρεις,
ἀλλὰ καθιέρξας αὐτόν βλίπτεις.

Cleonis enim operae tribui poterat quod eo tempore, quo Equites acti sunt, non opus esse videbatur, ut de ulla amplius Peloponnesiorum invasione anxii essent Athenienses, reique illum eventum eum praevidisse, ubi pacem repellendam curasset, quum vix credas, non tamen veri prorsus dissimile fuisse fatendum est. Honorum, quos propter Sphacteriam expugnata tulit Cleo, *προεδρίαν* memorat Aristophanes Eqq. 702; utrum eodem tempore an prius etiam victus in Prytaneo ei decretus sit, dubium videtur.

1) Cf. IV, 41.



CAPUT QUARTUM.



De ratione, qua Cleo rempublicam gesserit, populo prae-
fuerit, ex iis, quae de responsis, illo auctore Lacedaemo-
niorum legationi datis, exposui, colligitur eum fuisse
Cleonem, qui paci componendae omnibus viribus adversa-
retur. Quo factum est, ut reliquae disputationis initium
inde potissimum ducere, et ante omnia quaerere statuerim,
quaenam praesertim in Atheniensium rebus per bellum fuerint
mutata.

Primum locum obtinet id, quo cetera fere referri posse
videntur, quod Athenienses qui rure degerent, bello instante
in urbem migrare coacti sunt. Pericles consilii fuit auctor,
nec ulla in re, quantum apud cives valeret, magis apparuit.
Dudum vero rerum, quae in Graecia agerentur, eventum
illum prospexisse, et per totam, quam gesserit, reipublicae
administrationem, populi moderationem, eo eum tendisse,
ut civium animos iis accommodaret, quae, ubi brevi bellum
adfuturum seuit, ne Atheniensium res tota rueret, neces-
saria fore intellexit, non est quod dubites. Huc enim refe-
renda sunt ea, unde civitatis illa ratio, qua παιδεία;

τῇ; Ἑλλάδος; dici poterat, libere et absolute existere posset, mercedem dico, quae ob varia negotia publica civibus ut daretur auctor fuit Pericles; omnia porro illa, quae ut civium animi a laboribus recrearentur, urbis decus augeretur, ipsa bonis undique terrarum advectis afflueret, aut instituenda curavit, aut reipublicae, ut ab eo gesta est, tulit conditio. Quae magni momenti fuisse patet, ubi Athenienses in eam sententiam impellendi essent, ut maris imperium tenerent prae iis quae solum ferebat; etenim illi, quod et aliis de causis Atheniensibus vix licuit dimittere, commoda illa debebantur, quae rursus valebant efficere, ut facilius ferrent ea, quae, ne maris imperium cedere sortisve arbitrio permittere cogerentur, ferenda illis erant.

Migrationem tamen illam et vitae mutationem multos graviter tulisse, proinde ac si patria illis relinquenda esset, et, ubi hostes agrum vastarent, civium animos in Perielem exacerbatos fuisse, Thucydidis testimonio constat.

Nec parum crevit reipublicae perturbatio, quum pestis in Attica grassari inciperet; prope aberat ut bellum desereret populus, quod cavit quidem Pericles, ipse tamen civium iram expertus est; multum praeterea gravissimum illud malum valuit in Atheniensium moribus ab eo deflectendis, quod bonum et aequum habebatur, ¹⁾ nec tantum singuli suae potius libidini quam legibus obsequebantur sed et publica disciplina mirum in modum relaxata est. Mox vero,

1) Cf. Thuc. II, 53: πρῶτον τε ἤρξε καὶ ἐς ἄλλα τῇ πόλει ἐπὶ πλεον ἀνομίας τὸ νόσθημα κτλ.

quam amiserat dignitatem recuperavit Pericles, et si forte diutius ille vixisset, donec vel pacem componere (per se enim bellum ei non placuisse, ejus sententia ferret, Atheniensium imperium per bellum non esse augendum, nemo dubitet) vel turbis quae in Republica exstiterant, auctoritate sua et consilio mederi civesque novis moribus, quibus utendum illis erat, assuefacere potuisset, moris publici ista depravatio ut existeret non futurum fuisset, quae illius de bello gercudo consiliis ac reipublicae moderationi tribui solet.

Jam vidcamus de iis, quibus post mortem Periclis summam rerum cedere reipublicae conditio ferebat. Populum ille liberum eumque, qui praeceteris omniibus, ipso Pericle favente, reipublicae studeret, libere moderatus est; non potuit igitur quin, illo vivente, omnibus iis, qui vel in certis reipublicae partibus administrandis excellerent, vel apud cives gratia et auctoritate valere cuperent, ad rempublicam aditus pateret. Multa ipsum quoque Periclem per alios egisse Plutarchus tradit ¹⁾. Unde patet, non tantum auctoritate apud universum populum eum valuisse, sed certae etiam gregi cum praefuisse eorum, qui in Republica ab ejus parte starent. Quod si ita factum est, eos quoque, qui diversa potius sequerentur, alios aliis societatibus quasi adscriptos fuisse, dubitari nequit. Apparet igitur, Pericle diem obeunte supremum, Athenis nec eos, qui reipublicae gercudae operam darent, nec fere certam partium, quo singuli pertinerent, descriptionem defuisse.

1) Reipubl. gerend. praecept. XV; Vit. Pericl. VII.

Nou tamen illa ad plebem pertinere censenda est, penes quam comitia erant; ibi ut certa quis valeret auctoritate, ne firmissima quidem auxilia eorum, qui in republica versabantur, sola efficere poterant. Quod illi, ubi successu tumere, malis fraugi videbatur, frenum adhibere, animum addere valuit Pericles, ingenio ejus et moribus tribucudum est, summae quippe eloquentiae viri quique et consilio ac dignitate ceteros antecellebat, et summa integritate erat. Quibus si quis carebat, summum vero in civitate locum appetebat, illi eo fere confugiendum erat, ut plebi adularetur ejusque libidini quantum posset indulgeret, unde gratiam potius, quaeque illa dabat commoda, quam veram ac certam auctoritatem capi posse apparet. Ex iis vero, qui cum Pericle in Republica versati sint, ueminem eo fuisse iugenio, ut dignus esset qui in illius locum succederet, vel inde patet, quod auctoritate nemo cum eo contendi potuerat. Belli porro tempore bellicae virtutes maximi haberi solent; Nicias apud cives auctoritatem inde exstitisse, significatur a Thueydide V. 16. ¹⁾ Rerum vero primis belli Peloponnesiaci annis gestarum historia

1) Τότε δὲ (οἱ ἐν) ἐκείνῃ τῇ πόλει σπενύθοντες εἰς μάστιγα τὴν ἡγεμονίαν, Πλειστοδωρὰς τε ὁ Πανουσίον, βασιλεὺς Λακεδαιμονίων, καὶ Νικίας ὁ Νικηφόρον, πλείστα τῶν τότε ἐν ἀιρώμενος ἐν στρατηγίας, πολλῶ δὲ μᾶλλον προθυμοῦντο κτλ. Ita locum constituit Porro, qui οἱ ἐν recte quidem textui inserere videntur, perperam vero defendere ἡγεμονίαν, (optime illud a Dindorfio in ὁμολογίας mutatum), quia scilicet audacior et minus necessaria Dindorfii conjectura est, ut, si vulgata lectio retineatur, quo referas illud πολλῶ δὲ μᾶλλον προθυμοῦντο, non habeas. Id vero, quod dicit Thucydides πλείστα τῶν τότε κτλ ideo dixisse censendus est, quod inde explicetur, quoniam esset illa Nicias auctoritas, ut is esset, qui prae ceteris pacis suasor existeret.

illorum, qui Atheniensium exercitibus praecurrant, peritiae quidem multa specimina, ingenii vero illius, quo pulchritudinis novi quid effecerint, vix ullum continet.

De Nicia vero, ubi eum memoravi, pauca addam, neque illa a meo proposito aliena. Kortuemius V. Cl., Optimatum eum factioni praefuisse sibi persuasit, quae statim post mortem Perielis civitatis imperium capessiverit; nec forte deerunt qui tale quid colligant e Plutarchi verbis Nic.

II: *Περικλέους δ' ἀποθανόντος, εὐθύς εἰς τὸ πρωτεύειν προήχθη, μάλιστα μὲν ὑπὸ τῶν πλουσίων καὶ γνωρίμων, ἀντίταγμα ποιουμένων αὐτὸν πρὸς τὴν Κλέωνος βδελυρίαν καὶ τόλμαν.* Quae veritati vix congrua esse, vel Cleonis mentio arguit, quod vero majoris momenti est, Niciae, quam Plutarchus conscripsit, vita praeter cetera ejus scripta argumento esse videtur, cum in historia tractanda multa quidem undique testimonia congerere, ubi vero illa adhiberet narrationi magis consulere solitum esse, ut contexte elaborata illa, persona vero quam depingeret, absoluta esse videretur, quam curare ut suum cuique locum tribueret. Quid haec sibi velint melius intelligetur uno alteroque exemplo proposito. Notissimus est locus Thucydidis V. 26, *αἰὶ γὰρ ἔγωγε μέμνημαι καὶ ἀρχομένου τοῦ πολέμου καὶ μέχρι οὗ ἐτελεύτησαι, προσερόμενον ὑπὸ πολλῶν ὅτι τρις ἐννέα ἔτη δίοι γενέσθαι αὐτόν.* Vide autem quomodo utatur illo Plutarchus, ut pacis, quae Niciae dicitur, historiam illustret Nic. Cap. IX: *λοιδοροῦντες οὖν καὶ προβαλλόμενοι τοὺς λέγοντας, ὡς τρις ἐννέα ἔτη διαπολημθῆναι πίπρωται τὸν πόλεμον, ἔπειθ' οὕτω περι*

παντός εἰς λόγους συμβάλλοντες, ἐποίησαντο τὴν εἰρήνην. Porro attendendum est ad locum Thucydidis V. 16: *Νικίας μὲν βουλόμενος... τῷ μέλλοντι χρόνῳ καταλιπεῖν ὄνομα ὥς οὐδὲν σφήλας τὴν πόλιν διεγένετο* unde non dubito quin illud hauserit Plutarchus quod scripsit et exemplis deinde illustravit Nic. Cap. VI: *πολλῶν γὰρ τότε προσκρουσμάτων τῇ πόλει καὶ μεγάλων γενομένων, οὐδενὸς ἀπλῶς ἐκείνος μίτισχεν*. Neque illud vitio ei vertendum est, quamquam in Calliade et Nisacae expugnatione memorandis lapsus est ¹⁾. Pergit vero enarrare ea, quae anno ante Chr. n. 425 gesta sunt, Cleoni, in belli duces propter ea quae Pyli gerebantur, acrius invecto imperium cecis-
sisse Niciam; *καὶ τοῦτο*, inquit Cap. VIII, *τῷ Νικίᾳ μέγαλην ἠνεγκεν ἀδοξίαν*. Haec autem narratio quibus vitiis laboret, iudicare vix opus est.

Etenim exempla ista ab Aristophanis fabulis petita, quibus id, quod de Nicias *ἀδοξία* scripsit, confirmare studet, nihili esse nemo non videt; et ea quae contra Peloponnesios optime gessit Nicias, ad proxima post Sphacteriae expugnationem tempora pertinent. Scilicet id sibi proposuisse videtur Plutarchus, ut Nicias et Cleonis de reipublicae moderatione certamen depingeret, quod ut facillime ac sine narrationis damno fieret, subsistendum fere ei erat in eo temporis puncto, quod quasi certaminis momentum contineret. Ejusmodi quid Sphacteriae expugnationi inesse Plutarchi, opinor, sententia fuit; quum vero Cleo inde victor

¹⁾ Cf. Thuc. I, 61; IV, 66—70.

excessisse videretur, ut certaminis ratio facile exponi posset, ea, quae Nicias civibus per bellum praestitisset, commoda ad priora tempora, certaminis initia eo fere referri oportebat, ubi primum collocari possent. Quod si quis tenet, non dubito quin illi parvi pretii videantur ea, quae de Nicia, statim post mortem Periclis, ad summum in republica locum evecto narrat Plutarchus. Neque ad ejus rationem confirmandam id, quod tradit bonis suis ad populi gratiam captandam usum esse Niciam, si vel verissimum sit, quidquam valere arbitror.

Neque ea, quae de populi primis belli Peloponnesiaci annis conditione traduntur, istam de optimatum factione sententiam probare videntur. In comitiis distingui fere poterant agricolae et plebs urbana, illos ab optimatum fere partibus stare, ubi horum in comitiis partes essent, statuedum videtur, nec illud fugit Plutarchum vit. l. cap. IX. *τοὺς μὲν οὖν ἐμπόρους καὶ πρεσβυτέρους καὶ τῶν γιωργῶν τὸ πλῆθος αὐτόθεν εἰρηνικὸν εἶχον.* Quum vero eos, qui rure degerant, bellum a pristinis negotiis prorsus avellisset, fieri vix potuit quin ea quoque sensim desererent, quae in republica secuti erant. Neque enim primo belli Peloponnesiaci tempore ad pacem componendam quidquam valebant optimates, et id, quod antea agricolis cum illis commune fuisse statui potest, ut servandis praesertim rebus suis operam darent, Peloponnesiis agrum Atticum quotaunis vastantibus nihil ad hos pertinebat, quare propter vitae mutationem novarum rerum vel studiosiores esse debebant, quam ii qui vitae urbanae assueti erant.

Huc pertinet locus, qui ad propositum meum assequendum maximi momenti est, Aristoph. Pac. vs. 632—648:

Κατα δ' ὥς ἐκ τῶν ἀγρῶν ξυνηλθὲν οὐργάτης λιὼς κτλ.

Depingit ibi poëta civitatis, quae belli initio erat, conditionem, agricolarum plebem egenam ideoque pendentem ex ore eorum, qui publice verba facerent; hos vero paci adversantes et calumniis urbem implentes, quibus ipsi opes quaererent, in omnibus istis Cleonem primas partes agentem. Memorantur quidem hoc loco eae tantum calumniae, quibus peregrinos vexaverit ille, quod quomodo factum sit mox videbimus; iisdem vero usum eum esse contra eos, qui rempublicam tenerent, ubi ille ad eam accessit, vel ejusdem poëtae verba docent, quae personato Demostheni tribuit, Eqq. 63, sq.

τοὺς γὰρ ἔνδον ἀντικρὺς,

ψευδῇ διαβάλλει.

Quaenam autem probabilis sit ratio eorum, quae de Cleonis istis calumniis universe tradantur, verbo mihi indicandum videtur.

Sumtus, qui in bellum faciendi essent, ejusmodi fuisse, ut neque reditus civitatis Atheniensium sufficerent, et facile quis statuere posset, fore ut intra paucos annos ipsa ea consumpta essent quae Pericles collegisset, inde luculenter apparet quod, quarto jam belli anno, extraordinarium tributum civibus impositum est. Accessit ut civibus pauperioribus, qui antea ex agro victum cepissent, nunc fere ad acerarium confugiendum esset, sive stipendia mererent, sive domi publica negotia gererent. Hoc igitur praesertim

agendum erat iis, qui reipublicae praesse studebant, ut pecuniam quam plurimam in aerarium conferendam curarent. Pericles aerarii administrandi quasi viam iis indicasse censendus est, quibus, post ejus mortem, respublica cessit. His vero eadem molientibus eum molestiis longe majoribus conflictandum fuisse, facile intelligitur. Etenim carebant auctoritate, qua civibus ea quae peterent, denegare, quae necessaria ac ferenda viderentur, injungere valuerat ille; carebant ingenio, quo, quid quavis in re faciendum esset, cernere potuerat; carebant arte qua ille rempublicam administraverat, alii, alii fama integritatis. Singulis igitur summum in civitate locum petentibus, quippe gratia et auctoritate inter se fere paribus, eo tendendum erat, ut iis, quae praesto essent, populum sibi conciliarent, eosque, qui ex adversa parte sua molerentur, a republica removerent. Certamina autem ista vel cuivis certantium nocuisse, singulorum famam detrimenta inde cepisse, saepeque rem, dum arte magis quam ingenio gereretur, ad leviora ac putidiora delapsam esse, omnem igitur cohortem eorum, qui post Periclis mortem rempublicam tenuissent, multorum invidiam et contemptum subisse, vix in dubium vocari potest. Quicumque igitur opportune toti isti cohorti adversarius exstitisset eamque calumniis, quod rem suam eum populi damno gessisset, quasi obrueret, ille summam apud populum gratiam sibi vindicaret necesse erat, dummodo nova et ea, quae majora viderentur, populi libidini praestaret. Hac via Cleonem in republica progressum esse, propter ea, quae de illo

memoriae mandata sunt, nullus dubito. Quod si recte vidi, certissimum est bello opus fuisse Cleoni, ne cives, rure otium agentes, turbis istis ac incommodis vacarent, quibus, iu eos qui rempublicam gerebant exacerbati, calumniatoribus magis obnoxii erant, ¹⁾ in omnibus vero quae vel male agerentur connivebant, dummodo inde commodi quid percipere sibi viderentur. Unde patet, sententiam meam certe aliquatenus confirmari Thucydidis auctoritate, de cuius sententia V. 16: *Cleo paci adversatus sit, γενομένης ἡσυχίας καταφανέστερος νομίζων ἂν εἶναι πανουργῶν καὶ ἀπιστότερος διαβάλλων* quibuscum prorsus conveniunt Aristophanea illa Eqq. 801. sqq., ubi Cleoni isiciarius, ideo, tu bello, inquit, faves

ἴνα.... ὁ δῆμος

ἐπὶ τοῦ πολέμου καὶ τῆς ὀμίχλης ἃ πανουργεῖς μὴ
καθορεῖ σου

ἀλλ' ἐπ' ἀνάγκης ἅμα καὶ χρείας καὶ μισθοῦ πρὸς σε κίχνην.

Quod si is fuit Cleo, quem paci adversarium exstitisse ferebant, ne suis artibus uti non posset, non mirum videbitur, passim ei in Aristophanis fabulis objici, quod in Republica capessenda id sibi proposuisset, ut rem suam familiarem cum civium ac civitatis damno augetet. Praeter illum, quem laudavi, de bello cur gerendum censuerit Cleo, locum unum tantum afferam, cumque notissimum, de anguillarum piscatoribus illum Aristoph. Eqq. 864, sqq.

1) Cf. Aristoph. Pac. vs. 642, sq.:

ἡ πόλις γὰρ ὠχρεῖσθαι καὶ θόβη καὶ θημίνη
ἄντα διαβάλλει τις αὐτῆς, ταῦτ' ἂν εἴδειςτ' ἡσθιεν.

Verane illa sint habenda, quomodo in republica versatus sit Cleo, ut inde commoda percipere potuerit, in sequentibus quaeretur; Aristophanis vero sententiam istam, quo melius ejus testimonia intelligerentur, reliquae disputationi praemittendam esse censi.



CAPUT QUINTUM.



Jam quærendum videtur, an recte statuerim, Cleonem, ubi ad rempublicam accederet, eorum, qui in illa administranda versarentur, omnium adversarium exstitisse, nullius igitur quasi factionis auxilio fretum summum in civitate locum petivisse.

Inprimis eo pertinet locus Plutarchi Reip. Gerend. Præcept. XII: *ὁ μὲν γὰρ Κλέων, ὅτε πρῶτον ἔγνων τῆς πολιτείας ἀπτεσθαι, τοὺς φίλους συναγαγὼν εἰς ταὐτό, διελέσματο τὴν φιλίαν πρὸς αὐτοὺς ὥς πολλὰ τῆς ὀρθῆς καὶ δικαίας προαιρέσεως μαλάσσουσιν ἐν τῇ πολιτείᾳ καὶ παράγουσαν.* Ubi Cleoni ea tribuitur persona, qua ad rempublicam et solus accedat, et ita, ut conjiciat quis, eum, quippe auxilia ista, quibus ceteri uterentur, spernentem, nova via, eaque, qua illis totus adversaretur, progressurum esse. Ad locum igitur istum, quamquam per se non adeo magnam habeat auctoritatem, præ ceteris attendendum esse putavi, quod opportunitatem praeberet ad inquirendum in rationem, quæ Cleonem inter eosque, qui in republica versabantur, quum ille eam capesseret, intercesserit.

Scilicet ad comitia fere pertinebant ea, de quibus iis, qui ad rempublicam accederent, certandum erat. Qui in illis sunsores existerent de iis, quae populo agenda essent, eos *ῥήτορας*; dici constat. His quidem adnumerandus erat Cleo, nec desunt in Aristophanis fabulis loci, ubi Cleonem, id saltem, quo ille pertineret, hominum genus, eo nomine significari sentias. Exempli gratia, quae leguntur in Eqq. vs. 1350 sqq.:

εἴ γε δύο λεγοίτην ῥήτορε,
ὁ μὲν ποιῆσθαι ναῦς μακράς, ὁ δ' ἕτερος αὖ
καταμισθοφορῆσαι τοῦθ',

Cleonis, eorumve qui in iisdem versarentur, artes istis perstringi dubitari nequit; certissimum porro est, Cleoni, tamquam *ῥητόρων* uni, convicia facere ejusdem fabulae Chorum, vs. 322 sq.:

Ἄρα δὴτ' οὐκ ἀπ' ἀρχῆς ἐδῆλους ἀναί-
δειαν, ἥπερ μόνῃ προστατεῖ ῥητόρων;

Longe alia est ratio loci ejusdem fabulae vs. 59 sq., ubi de Cleone Demosthenes, *βυρσίην*, inquit, ἔχων *δειπνοῦντος* ἐστὼς ἀποσοβεῖ τοὺς ῥήτορας, quocum conveniunt isicarii haec Cleonis insolentiam imitantis vs. 358:

λαρυγγιῶ τοὺς ῥήτορας καὶ Νικίαν ταραῶξω.

Quae si quis legat, eam Cleoni tribuat personam necesse est, qua ab iis, qui *ῥήτορες* dicantur, diversus, eorumque in republica adversarius fuerit.

Quaerentibus vero, quanam sit *ῥητόρων* istorum ratio, quod in Aristophaneis alii aliis locis in eorum genus referri videantur, primus sese offert, unde lucis quid oriatur

Thucydidis locus, (III, 40.) ubi Cleo, οἳ τε τέροντες λόγῳ ῥήτορες, inquit, ἔξουσι καὶ ἐν ἄλλοις ἐλάσσουσιν ἀγῶνα, καὶ μὴ ἐν ᾧ ἡ μὲν πόλις βραχέα ἡσθεῖσα μεγάλα ζημιώσεται, αὐτοὶ δ' ἐκ τοῦ εὖ εἰπεῖν τὸ παθεῖν εὖ ἀντιλήφονται. Quos enim ῥήτορας illo loco Cleonem dicentem, eos tamquam adversarios perstringentem eundem fingit Thucydides; locus igitur conferendus est cum Aristophanis illis duobus, quos postremo loco attuli. Id vero adversariis objicit Cleo, quod artibus oratoriis populum ad deteriora persequenda trahant. Unde quis colligat, ῥήτορας istos a Cleone distinctos fuisse arte quadam oratoria, qua illius aequales usos esse vel Aristophanea illa docent Eqq. 1377, sqq.: σοφός γ' ὁ Φαίλαξ κτέ, ipsum vero Cleonem caruisse, nova certe in verbis coram populo faciendis persecutum esse, mox videbimus. Quod si quis tenet, cetera in nulla difficultate esse facile ille videbit. Ubi enim in civitate, cujus ratio ferret omnia coram populo agi, et ars exerceretur oratoria, et respublica per multos annos ita gesta esset, ut certa de ea gerenda consilia certaue partium descriptio exstisset, fieri non potuit, quin ii, qui ita in republica versarentur ut coram populo verba iis facienda essent, studiis oratoriis imbuti ad ea, quae agerent, accederent, et ex iis, qui, ut in civitate suis rebus prospicerent, inter se societatem quasi contraxissent, certi quidam dicendi artifices, ubi opus esset, munere oratorio fungerentur¹⁾.

1) Exemplo sint illa, quae leguntur apud Thucydidem VI, 29: οἳ δ' ἐχθροὶ ἀπίσταντον, ἄλλους ῥήτορας ἐνέιντες, οἳ ἔλεγον κτί.

Hos autem arctiore sensu *ῥήτορας* dici, iisque adversantem fingi Cleonem, qui et ipse coram populo verba faceret, statuendum est; unde probari videtur id, quod contendo, eas imprimis in republica gerenda partes illum sibi sumsisse, quibus eorum esset adversarius, qui post mortem Periclis rempublicam tenebant.

Pauca quaedam adjicere lubet, quae nonnullis fortasse putidiuscula videbuntur, nec tamen a proposito meo aliena sunt. Gloriatur Cleo, Eqq. 877, in eo quod coërcuisset τοὺς βινουμένους, cui isiciarius:

οὐκ ἐστ' ὅπως ἐκείνους

οὐχὶ φθονῶν ἔπαυσας, ἵνα μὴ ῥήτορες γένοιτο.

Quod cave ne ad ipsum referas Cleonem, vel si quis alius eadem sequeretur. Sunt quidem in eadem fabula, unde tale quid colligas, Chori verba rhetori illi adsentientis, qui isiciarii fortunam praedixerat, vs. 427, sqq.; ultimum isiciarii et Cleonis colloquium vs. 1242, nec desunt loci ubi Cleonis *ἐνρυπωκτία* tangi videatur verb. c. vs. 78. Id vero quasi *ἐκ παρόργου* et joci causa fieri, vel ipsa illa docent, quae primo loco attuli; multo enim vehementius in Cleonem censorem agentem invecus esset poeta, si vere eo nomine infamis fuisset ¹⁾.

Vitio illo multos ex ipsa eorum cohorte inquinatos fuisse, qui arti oratoriae studerent eamque igitur viam sequerentur, quae a Pericle ejusque aequalibus indicata esset,

1) Cynnam potius meretricem Cleonem amasse colligas e Vespp. vs. 1052.

illosque propterea ab Aristophane perstringi, ob Alcibiadis praesertim in Acharnensibus mentionem, vs. 716 persuasum mihi est. Neque igitur Kortuemii V. Cl. illud probandum est, quod omnia ista, quae de male moratis Oratoribus in Aristophanis fabulis invenerit, ad Cleonis asseclas referre videtur.

Jam de ipsis illis asseclis agendum est. Quorum duo fere genera fingere vobis possumus, alterum eorum, qui Cleoni ad rempublicam accedenti adfuissent, ubi in illa gereunda versaretur factionis quasi ducem eum haberent; alterum quod adulatorum plebem contineat, assiduam in opera omnibus danda, quicumque apud populum gratia valerent. De illo genere quid Plutarchus tradat vidimus, nec quidquam reperi, quod mihi testimonium ejus suspectum reddat. Neque enim sodales istos Cleonis, quos in convivio ei adesse fugit Aristophanes Vespp. 1220 sqq. eos esse credam, quorum auctoritate uti potuerit, ubi summum in republica locum peteret. Theorum, quem blaesa lingua ¹⁾ personatus Alcibiades verissimè τὴν κεφαλὴν κόλασας habere dixerit, Phanum, ἐπογραφέα δικῶν, nimirum eum, qui in judiciis intentandis Cleonis vice fungi paratus esset, meros fuisse adultores, manifestum est; neque in civitate multum valuisse credo aut Aeschinem, cujus bona omnia Nubicuculiae essent, aut Acestorā, quem vel civem esse negarent ²⁾.

1) Cf. Schol. ad Vespp. vs. 44.

2) Cf. Schol. ad Vespp. 1221; ad Avv. 823.

Adulatorum vero permagnum gregem Cleonem sectari solitum esse Aristophanes auctor est Vespp. vs. 1033 sq., Pac. vs. 756 sq.: *ἐκατόν δὲ κύκλῳ κεφαλαὶ κολλάκων οἰμωξομένων ἐλιγμῶντο περὶ τὴν κεφαλὴν.*

Ne ipsos quidem principes in Atheniensium civitate viros, quales ii essent qui praetura fungerentur, semper Cleonis, ubi summa auctoritate apud populum valeret, gratiam sibi consiliare, ut suis rebus prospicerent, dedignatos esse, e duobus Equitum locis colligo, altero, ubi patrum memoria belli duces, ut victus in Prytaneo sibi daretur, Cleonetum nullos rogasse perhibet Chorus vs. 573 sqq.: ibi enim sua aetate talia a Cleone peti solere poëtam significare verosimillimum est; altero, vs. 1255 sq. ubi isiciario personatus Demosthenes: *καὶ σ' αἰγῶ βραχὺ, ὅπως ἴσομαι σοὶ Φανὸς ὑπογραφενὸς δικῶν.* Haec vero ad eam, quae nunc agitur, quaestionem minus pertinere videntur.



CAPUT SEXTUM.



Pergendum est ad ea, quae de persona comperta habemus, quam Cleo, ubi cum populo ageret, ferebat. De qua ubi quaestionem instituimus, inprimis attendamus necesse est, ad ejus, quam memorat Aristophanes, impudentiam, quae, ut sola oratoribus praeesset, ita in illo inde ab initio eluceret. Quae latissime quidem patet; quod enim chorus Equitum Cleoni objicit, vs. 326, impudentia fretum eum peregrinos vexasse id pertinere ad ea, quibus auctoritatem, qua apud populum valeret, in suos usus converterit, manifestum est: eodemque referas ea, quae Demosthenes narrans inducitur, Eqq. 65, sqq.:

.. Παφλαγῶν δι' ἐπιθίωσιν τοὺς οἰκίτας κτλ.,
nec minorem impudentiam testantia illa, quam contra peregrinos ista. Et vero impudentissime de auctoritate illa gloriantem eum fingit Aristophanes Eqq. 713 sqq.:

Ἐγὼ δ' ἐκείνου καταγιλῶ γ' ὅσον θέλω. κτλ.

Quae si quis mera poëtae figmenta esse dicat, nec verius putet id, quod de se coram populo praedicans inducitur Cleo, Eqq. 1226:

Ἐγὼ δ' ἔκλεπτον ἐπ' ἀγαθῶ γιγνέσθαι τῇ πόλει,

non obsto; id vero teneat velim, impudentiae isti imprimis locum fuisse in iis, quae cum populo ageret Cleo. Hac de re adeunda sunt illa, quae scripsit Thucydides ¹⁾ de iis, quae Cleo coram populo egerit, quum hic pacem illo auctore rejectam fuisse aegre ferret. Nimirum mendacii illum nuntios arguisse, quum nec ipse ignoraret vera eos nuntiare, colligere licet ex iis quae mox protulisse fertur. Nicia vero auctore bellicum imperium suscipere coactus, statim confugit ad *κουφολογία* istam, quam dicit Thucydides, qua intra viginti dies nullis nisi sociorum copiis iuvantibus, Sphacteriam a se expugnatum iri jactet. Quod sive imperitiae illi audaciam gignent, sive, quod potius videtur, acerrimo cuidam sensui, quo ea, quae pro re nata sibi agenda essent, statim cerneret, tribuatur, nullo pudore impeditum eum fuisse, ubi ambiguis rebus implicato, nulla fere spe relicta fore ut honor salvus evaderet, audendum atque agendum ipsi esset, nemo, si quid video, negabit.

Aristophaneis hac in re cautius utendum esse facile quis videat; quaerendum enim esse tum verane Cleonem de se loquentem inducat poeta, tum si vel verissima sint ista, an ita ea dixisse vel dicturus fuisse Cleo putandus sit.

Nec tamen illa nihil praebent. Verbi causa, vix quemquam esse puto, qui talia dicturum fuisse credat Cleonem, qualia loquens inducitur Eqq. vs. 799 sq.:

..... πάντως δ' αὐτὸν θρέψω γὰρ καὶ θεραπεύσω,
ἐξευρίσκων εἴ καὶ μισρῶς ὁπόθεν τὸ πριῶβολον ἔξει.

1) Vid. Thuc. IV, 27, 81.

aut paulo ante vs. 774 sqq.:

..... χρήματα πλεῖς ἀπέδειξα
ἐν τῷ κοινῷ, τοὺς μὲν σρεβλῶν, τοὺς δ' ἄγγων, τοὺς δὲ
μεταιτῶν,
οὐ φροντίζων τῶν ἰδιωτῶν οὐθενός, εἰ σοὶ χαρισίμην.

Ea vero impudentia fuisse Cleonem, ut istis artibus populi gratiam eum captare perspicuum esset, parumque abesset ut ingenue illud fateretur, non sine causa suspicari licet, quum ejusdem sint generis ea, quae a synegoris in judiciis afferri et verius quidem, opinor, illud perhibens inducitur isiciarius Eqq. vs. 1358 sq.:

ἐάν τις εἴπῃ βωμολόχος ξυνήγορος·
οὐκ ἔστιν ὅμῃν τοῖς δικασαῖς ἄλφιτα,
εἰ μὴ καταγνώσεσθε ταύτην τὴν δίκην.

Praeterea illud, quod de Cleonis, in concione ista de qua vidimus, habitu e Thucydidis narratione statuendum esse dixi, illius moris proprium fuisse, ut gravissimas res, quum necopinato illi acciderent, facillime expediret, colligas ex iis quae isiciario dicendi sese satis peritum esse glorianti objiciens inducitur Eqq. vs. 344 sq.:

..... καλῶς γ' ἂν οὖν τι πρᾶγμα προσπείσῃ σοι
ὠμοσπάρκτον παραλαβὼν μεταχειρίσαιο χρησῶς.

Omnia quidem ista potius ad res pertinent, eaque quae dixerit et egerit Cleo, quam ad ejus personam et habitum; alterum vero cum altero arctissime cohaerere constat. Fieri enim non potuit, quin, ubi omnibus iis, quae moliretur, impudentia subesset, illaque fretus coram populo suam rem ageret, ratio quoque, qua procederet, eadem quasi signata

esset. Huc illud refero, quod Aristophanes tum tamquam monstrum immane ac foedum cum depingat, tum *κράζειν* fere, *βοᾶν*, *παφλάζειν* cum dicat, ubi ea memoret, quae oratione apud populum efficeret. Nec inde aliena videntur singula ea, quae propria ac pro more oratorum nova ejus habitui inesse accipimus.

Verbi causa, multus est Aristophanes in voce Cleouis notanda, sive torrentis Eqq. 137, cf. Acharn. 381; sive porci inusti Vespp. 36; sive gurgitis Vespp. 1034, Pac. 757, eam dicat. Quibus ne quis vitium totum nativum illudere credat poetam, inspiciat locum illum Equitum vs. 342 sqq., ubi Cleo isiciario insaniam objicit, quod sibi adversarius existere in mente haberet. Unde patet moris fuisse oratorum, ut publice verba facturi jejunia agerent, ne minus decore procederent; id vero se negligere, ac ventre pleno, temulentum, in concionem progredi, quasi summae auctoritatis et facultatis testimonio glorians inducitur Cleo.

Universe multa fecisse, quibus ille primus oratorium decorem ¹⁾ ex Atheniensium concionibus sustulerit, Plutarchus tradit Nic. VIII, cui is est, qui *τὸν ἐπὶ τοῦ βήματος κόσμον ἀνελὼν καὶ πρῶτος ἐν τῷ δημηγορεῖν ἀνακραγὼν*

1) Antea summa fuerat oratorum, cum ad populum verba facerent, modestia et verecundia, quam non voce solum et oratione, sed toto corporis habitu et gestu prae se ferebant. Cf. Aeschin. in orat. adv. Timarch., ubi leges de *ἐντόρων ἐν κόσμῳ* servatae sunt, quae jam negligebantur, ita ut in desuetudinem abierat salutare illud Solonis institutum, ut a praecone sollemnis formula recitaretur: *τὰ ἀγορεύειν βούλεται τῶν κτλ.* (Vid. Aesch. adv. Ctesiph. p. 386.)

καὶ περισπάσας τὸ ἱμάτιον καὶ τὸν μηρόν πατάξας καὶ
 δρόμῳ μετὰ τοῦ λέγειν ἅμα χρησάμενος, τὴν ὀλίγον
 ἱστέρων ἅπαντα τὰ πράγματα συγχέασαν ἐν χέρῃ καὶ
 ὀλιγωρίᾳ τοῦ πρέποντος ἐνεποίησε τοῖς πολιτευομένοις ¹⁾.
 Quod si igitur Ciceroni concedamus, Cleonem turbulentum
 quidem civem sed tamen eloquentem fuisse (Brut. VII),
 neque enim sine eloquentia tantam ut sibi apud cives
 auctoritatem comparasset futurum fuisse, tenendum tamen
 est, turbulentum non magis civem quam oratorem dicen-
 dum eum esse.

De genere, quo usus sit, dicendi ex oratione quam ei
 tribuit Thucydides, nihil colligi posse, vix opus est ut
 moneam, nec adeo illud magni momenti esse videtur, quod
 spurcissima loquentem passim eum inducit Aristophanes.
 E pugna vero, quam Cleonem inter et isiciarium factam
 fingit poeta Eqq. 461—481, aliisque ejusdem fabulae lo-
 cis vs. 215 sqq. 314, liquido constat, id Cleonis orationis
 proprium fuisse, quod plena esset locutionum ac meta-
 phorarum a vilissimorum opificum artibus ac sermone trans-
 latarum.

Praeterea paucis monendum videtur de vaticiniis, quibus
 in concionibus usus sit Cleo. Quae forte ad rationem
 potius, qua populum moderatus sit ille, quam ad habitum
 ejus oratorum pertinere quis censeat; singula enim

1) Cum illo loco confer, Schol. ad Luciani Timon. Cap. XXX.
²⁾ *Ἀριστοτέλης δὲ περιζωσάμενος αὐτὸν λέγει δημηγορῆσαι*, non enim
 multum tribuendum videtur ei quod Aristotelis dictam metaphoricè
 accipit, quasi dixisset: *εἰς τὴν θρασύτητα αὐτοῦ ἀποσκόπτων*.

vaticinia, ubi suo quodque loco protulisset atque explicasset, plurimum valuisse, ubi de certis causis populum in suam sententiam tracturus esset. Neque res omni dubitatione vacare mihi videtur: quare pro certo nihil a me affirmari, statui tantum velim, quid mihi hac de re probabile videatur.

Vaticiniorum usum Athenis late patuisse constat; neque igitur mirum est, ne e principibus quidem in civitate viris defuisse quondam, qui in illis explicandis versarentur, ne populus, prava vel ipsorum de rebus gerendis sententiae contraria explicatione deceptus, a via, quam sequendam ei esse crederent illi, discederet.

Cujus rei duo exempla afferam, ex antiquioribus temporibus utrumque; alterum Themistoclis, in explicanda oraculi de ligneo muro sententia adversantis iis, qui harum rerum periti erant (*οὐτος ὡνὴρ οὐκ ἔφη πᾶν ὀρθῶς τοῖς χρησμολόγοις συμβάλλεσθαι* Herodot. VII. 143), alterum Hippiae illud, quod Sosieli Corinthio responderit *οἷά τε τοὺς χρησμοὺς ἀπεκρίματα ἀνδρῶν ἐξεπιστάμενος*, Herodot. V. 93. Quod si statuendum est, eadem Cleonem quoque egisse, fateamur necesse est, id, quod de vaticiniis protulerit, ad ipsam, qua populum moderatus sit, rationem pertinere.

Tenendum vero est fuisse certos in Attica vates, vel satis nobiles illos, ut vel in prytaneo victum de publico acciperent ¹⁾ ac certa quaedam negotia, v. c. in deducendis

1) Cf. Aristoph. Pac. 1084.

coloniis, foederibus componendis populo administrarent, ¹⁾ vel viliores, qui, ut victum quaerere, urbes agrosque pervagarent, qualem in Avibus fingit Aristophanes vs. 959. sqq. Cui generi sine dubio adnumerandus erit Cleo, ubi Aristophanis de ejus vaticiniis ratio urgetur. Eum enim in Equitibus fingit Cleonem, qui ipse Bacidis vaticinia domi servet, et aut ficta illa aut vera, ubi res sua illud postulet, populo offerat, neque in explicandis tantum iis, quae alinude a vatibus prolata sint, versetur. Jam si cogitamus certum vatium quasi ordinem fuisse munusque illud a patre ad filium transferri solitum esse, ita ut vel ii, qui inde victum quaerere, celebris alicujus vatis saepius filios sese esse perhiberent, ²⁾ totum porro genus illud Aristophanis joci obnoxium fuisse, fieri non posse mihi videtur quin in vatium numero referri prorsus non posse Cleonem pro certo habeamus, id vero suspicemur, poetam illi quocunque tandem modo vaticiniis utenti, partes illas tribuisse, quo facilius artes istae, quibus populi gratiam sibi conciliaret, perstringi possent.

Mittamus igitur fictionem illam Aristophaneam, et potius

1) Lampos vatis in Thuriis condendis partes fuisse e Diodoro et Plutarcho notum est, nec injuria, opinor, quis suspicetur, tanquam vatem illis eum adjunctum fuisse, qui in pace Niciae componenda ex Atheniensibus iurjurandum praestarent, Thuc. V. 19. Sed haec incertiora esse libens agnosco. — Distinguntur *χρησμολόγοι* a *μάντιες* ab Aristophane Pac. 1046. Scilicet hos extispices potius esse ex ipso illo loco intelligas. Lampo vero inter *χρησμολόγους* nominatur Avilus vs. 988.

2) Cf. Herodot. IX. 95, Plut. Nic. V.

quaeramus, quid tandem Cleoni cum vaticiniis esse potuerit. In hac re praesertim attendendum est ad locum Thucydidis II. 21, ubi in descriptione barbararum, quae Peloponnesiis agrum Atticum vastantibus Athenis exstitissent, *χρησμολόγοι τε*, inquit, *ἔδον χρησμον; παντοίου; ὧν ἀκροῖσθαι ὡς ἕκαστος ὠρηγο*.

Unde colligo belli Peloponnesiaci tempore Atheis illas fere vatum partes fuisse, ut sua quisque auctoritate quidquid sibi vaticiniorum innotuisset per populum spargerent. Vix igitur puto fore ut quisquam credat, singulorum vaticiniorum eam fuisse auctoritatem, ut in comitiis illo tempore de sententia illis tribuenda disputari posset, nec, nisi illud fieret, Cleo in illis populo explicandis poterat, opinor, eadem qua Themistocles ratione versari.

Vaticinium praeterea, quo praeceteris in populi concionibus usum esse Cleonem ex Eqq. 1013 constat, de aquila illud in nubibus, quod in Scholiis ad hunc locum servatum est, nullo modo ad certam, quae illo tempore agitaretur, quaestionem pertinere censendum est. Nec fere illo nisi mero populi blandimento et incitamento uti potuit. Ut verbo dicam, in concionibus usus fere esse vaticiniis Cleo mihi videtur, ubi illa facillimam adulandi viam praeberent, qua popularibus monitor existeret splendidi illius et magni, quod superi illis destinassent ac servassent. In idem porro genus referendum est illud, quod Cleo Minervam, Athenarum patronam, grandibus illis cognominibus *Πυλαιμάχος*, *Φοβεισεργάτη* aliis significans

et illius auxilio tribuens, si quid ipse populo voluptatis afferre possit, ab Aristophane inducitur Eqq. 1172, sqq.

Ab ea, quam indicavi, ratione non alienum esse id, quod Cleo ad se suasque in civitate partes vaticinia retulerit, unde sine invidia decus sibi comparare posset, aliis contra adversarios usus sit, Aristophanea igitur ista, de Cleone et isiciario vaticiniis quasi certantibus (Eqq. 1014 sqq.), ad Cleonis personam omnino pertinere, persuasum mihi est. Unus praeterea Aristophanis locus est, nude Cleonem ad certam causam defendendam vaticiniis usum esse statui posset, Eqq. 817, sq.:

*ὃν δ' Ἀθηναίους ἐζήτησας μικροπολίτας ἀποφῆναι
διατεριχίζων καὶ χρησμοδῶν, ὁ Θειμοκλεῖ ἀντιφειρίζων.*

Nec tamen inde colligendum est, in illa re aut nova vaticinia protulisse, aut in explicandis iis, quae populo aliunde oblata essent, versatum esse Cleonem; multa eaque satis nota de Athenarum urbe ac solo vaticinia fuisse, quae attulerit Cleo, ne sibi, de urbe munienda populiseitum ferenti, civium superstitio molestias pareret, nihil quominus statuamus impedire videtur.

Denique de somnio illud Cleonis, Aristoph. Eqq. vs. 1090 sq., ad verum ejus in populi concionibus habitum referendum esse, non est quod dubitem. Talibus enim fingendis sperare poterat ut is evaderet, cui singularis quaedam diisque debita de civitatis salute providentia tribueretur; quod, ut petere illud summae impudentiae esset, plurimum valuisse ad populi, vilioris ejus et qui facilius decipi se sineret, gratiam captandam, nemo non vident.

Nimirum summa eorum, quae de Cleonis persona ac habitu disputavi, ea esse videtur, quod plebem, τοὺς πολλοὺς τοῦ βολοῦ, quae Aristophanis verba sunt Eqq. 945, suam facere propositum ei fuerit. Non enim illud urgendum est, quod Aristophanes Οἱ τε πλούσιοι, inquit, διδίασιν αὐτὸν ὁ τε πένης βδύλλει λέως Eqq. 223 sq., quum appareat de illo ne cogitare quidem potuisse poetam, ut in eadem fabula conviciis eum quasi obrueret simulque confiteretur, plebis istius egenae amicum ac patronum eum esse. Popularis, quae Athenis vigeat, ratio ferebat ut penes illam fere esset res publica, quum praesertim ea esset civitatis conditio, ut pauperioribus e publicis negotiis victus capiendus esset. Gratiam vero plebis, si vel plurimum operae et divitiarum in ea captanda consumserit aliquis, potius tamen eos sibi conciliare qui a divitibus iisque, qui in republica gerenda versari solerent, sejuncti, ipsius vero plebis morum participes essent talesve sese esse finxissent, eaque sequerentur, quibus sine invidia adulari eam possent, non dubium videri potest.

Ac verius quam fortasse ipse voluerit Aristophanes Eqq. 191 sqq.:

*‘Η δημαγωγία γὰρ οὐ πρὸς μουσικοῦ
ἔτ’ ἐστὶν ἀνδρὸς οὐδὲ χρηστοῦ τοῖς τρόποις
ἀλλ’ εἰς ἀμαθίῃ καὶ βδελυρόν.*

Vel ipsam impudentiam Cleonis non tantum ut personae inesset, quam in rebus coram populo agendis ferret, sed per se etiam, quod risum moveret novaque videretur, Atheniensium plebi placuisse, nec illud ignorasse Cleonem, col-

ligi posse mihi videtur e narratione ista de Cleone in populi concionem prodeunte, nec sua agente, quod scilicet hospites convivio excepturus esset, quam servavit Plutarchus in Vit. Niciae Cap. VII.

Quaerendum jam est utrum vere ἀμαθής et is censendus sit Cleo, qui non nisi ad infimae plebis mores accommodare sese potnerit, an de industria talem sese praestiterit, quo facilius ac plenius plebis gratiam sibi conciliaret. Eorum, quae gesserit, saepius minns peritum eum fuisse, Thucydidis sententia potest haberi V, 7: τὴν ἐκείνου (τοῦ Κλέωνος) ἡγεμονίαν..... μετὰ οἷας ἀνεπισημοσύνης..... γινήσονται. Quam si quis, et jure quidem, ut mihi videtur, amplectitur, colligere inde possit vix futurum fuisse ut Cleo summum in civitate locum obtinuisset, nisi novam viam iniisset, nec tamen illud inscientiae reum faciat Cleonem. Et minus recte viliori plebi eum adnumerari vel inde patet, quod Aristophanes in Equitibus, ut populi in eum indignationem ac risum moveat, adversarium, qui foedior ipso pravis artibus eum superet, ex ipsa illa plebe existere fingit. Liberaliter educatum eum fuisse propter istum poëtae de harmonia Dorica jocum Eqq. 985 sqq. statui possit, quamquam his minns fortasse tribnendum quis censeat, ob isiciarii verba, Eqq. vs. 188, sqq.:

Ἄλλ' ὦγάθ', οὐδέ μουσικὴν ἐπίστανται,
πλήν γραμμάτων, κτλ.

Sed in Vespis Cleo memoratur, nt particeps convivii ἀνδρῶν πολυμαθῶν, καὶ δεξιῶν, (vs. 1175) et cantibus delectans, qui in conviviiis solemnes erant (vs. 1220, sqq.).

Quidquid igitur de Cleonis foeditate statuatur, animo potius quam ordine infimae plebi affinem eum fuisse ac sponte sua novam istam viam, qua rempublicam capessiverit, iniisse, pro certo habendum videtur.



CAPUT SEPTIMUM.



Ex ipso illo quod vidimus, id egisse Cleonem, ut plebis gratia captauda ad summum in civitate locum acce-deret, in id, quod deinceps quaerendum est, quam ratione in republica gerenda et administranda versatus sit multum lucis profuit.

Scilicet inde statuere licet, illi rationi proprium fuisse, ut populo quam plurima gratificari quaerens, privatorum hominum commoda nullo modo curaret, *ὃν φρονοῦντων*, ita sese egisse coram populo jaetans iuducitur, *τῶν ἰδιωτῶν οὐδενός, εἰ σοὶ χαρισίμην* (Eqq. 776). Itaque duo fere ad rationem, qua rempublicam gesserit, pertiuere censeuda sunt; alterum quod undecunque ea quaereret, quae plebi grata essent, divitibus igitur ac melioris notae civibus et, ut verbo dicam, iis cum quorum damno et offensione saepius illa fieri debebant, molestus et invisus existeret; alterum quod omnibus istis, si vel a republica gerenda abessent, sua sponte, quippe qui plebi esset patronus, inimicus et adversarius fieret. Alterum efficere debebat ut aerarium quovis modo implere et in plebis

usum convertere studeret, ad alterum calumniae istae ac turbae pertinent, quas in cives et peregrinos eum agere passim queritur Aristophanes in fabulis; ista omnia arete inter se cohaerere facile quis viderit. Ad alterutram autem rationem referri posse maiorem partem eorum, quae in republica gerenda egerit Cleo, jam eo, quo nunc disputando pervenimus loco, pro certo, opinor, sumere licet; in quibus exponendis, quum ipsae res vix certum ordinem suppeditare videantur, disputationis cursum sequemur.

Certum quoddam munus populum tradidisse Cleoni, quo illius res administraret, fingit Aristophanes in Eqq. vs. 947, sq.:

*καὶ νῦν ἀπόδοξ τὸν δακτυλίων, ὡς οὐκ ἔτι
ἐμοὶ ταμιεύσεις.*

Haec autem ne quis pro veris accipiat et ejusmodi magistratum gessisse credat Cleonem, qualem Lycurgo Oratori per tria quadriennia mandatum esse e Pseudo-Plutarchi Vitis X Oratorum discimus, cavebunt, credo, tum Cleonis illa, Populo respondentis: (Eqq. 948, sqq.)

τοσοῦτον δ' ἴσθ' ὅτι,

εἰ μὴ μ' ἐάσεις ἐπιτροπεύειν κτέ,

tum ipsius Populi verba: (Eqq. 1127, sqq.)

κλέπτουτὰ τε βούλομαι

τρέφειν ἵνα προσάτην κτέ.

quae non nisi eo referri possint, quod populus in fidem quasi Cleonis sese contulisset. Ipsa igitur fictio illa Aristophanea ostendit, quod vero etiam per se facile intelligitur, populi moderationem non certis magistratibus inherere sed per se esse et in suis negotiis versari.

Nec vero praeturae gessisse videtur Cleo, antequam Nicias illi quasi se abdicasset; id enim et Thucydidis de ea re narratio ferre videtur, et locus huc pertiueus ex Aristophanis Nubibus, (vs. 581, sqq.) de quo in sequentibus agendum erit. Munus autem illud belli tempore Athenis latissime patuisse, ita ut et praetores populum convocarent (Thuc. II, 22, 59; IV, 118.) et cum illo munere Pericli omnia sua negotia populus tradidisse feratur a Thucydide (II, 65.), nota res est. Itaque artes potius demagogicae, quibus coram populo in verbis faciendis legibusque ferendis uteretur, iisque adeo, quibus respublica imprimis mandata esset, adversaretur.¹⁾ quam certa munera Cleoni viam ad rempublicam stravisse censendae sunt; quamquam sine dubio saepe munera extraordinaria, quale *κατασκόπον* illud a Thucydide memoratur (IV, 27) populus ei mandavit.

Artibus autem istis demagogicis non tantum in comitiis sed etiam in senatu et in iudiciis locus erat. Ad senatorium, quo funetus sit, munus ea referens inducitur Cleo, quae ad aeternum implendum populo praestiterit Arist. Eqq. 774, sq.:

*ήνίκ' ἐβούλευόν σοι χρήματα πλείε' ἀπέδειξα
ἐν τῷ κοινῷ,*

nec alia desunt, quae eodem pertinere videantur, de his autem mox videbimus. Id vero tenendum est, tunc quoque quum Senatorii muneris expers in republica gerenda versaretur,

1) ἀπατηγνός κλαύσεις, Eqq. 166; διαβαλὼ σ' ὅταν σφαιηγῇς, ib. 288. Cf. etiam vs. 355, 358.

multa cum Senatu illi agenda fuisse; de omnibus enim, quae ad populum ferrentur, Senatui consulendum erat, multa ille administrabat, quae iis, qui rempublicam eapessarent, non negligenda erant, de delictis denique ad rempublicam pertinentibus, quae ad illum deferrentur, cognoscebat. Easdem fere, quas in comitiis, partes in senatu egisse Cleonem apparet ex Equitibus vs. 475, sqq., 624, sqq. Ibi enim Cleonem accusationem ad Senatum deferre fingit poeta, isiciarium nuntium apportare, utrumque deinde e suggestu (nam de sagittariis Cleonem inde deturbantibus sermo est vs. 665.) verba facere et Senatusconsulta ferre, quum manifestum sit, neutrum e fabulae ratione senatorem fuisse. Facile vero intelligitur fieri vix posse quin demagogi, qui apud populum gratia plurimum valerent, si vel in senatus offensionem incurrissent, non magni illud facerent cumque auctoritate quasi premerent, eoque referenda sunt et Cleonis illa, coram Senatu ab isiciario victi, Eqq. 722 sqq.:

Οὐκ ὦγάθ', ἐν βουλῇ με δόξεις καθυβρίσαι

Ἴωμεν εἰς τὸν δῆμον,

et Demosthenis ea, quibus isiciario futuram ejus conditionem, ubi populo praecisset, depingens, *βουλὴν* eum *πατήσκειν* affirmat. (Eqq. 166.)

Judicibus praesertim sibi conciliandis operam dedisse Cleonem, affirmatur in Aristophanis Vespis vs. 596 sq.:

*αὐτὸς δ' ὁ Κλέων ὁ κεκραξιδάμας μόνον ἡμᾶς οὐ περιτρώγει
ἀλλὰ φυλάττει διὰ χειρὸς ἔχων καὶ τὰς μυίας ἀπαμύνει.*

Nimirum in Atheniensium civitate, ubi omnia ad iudices deferri poterant, nemo qui vel apud populum sententiam

suam pertulisset, vicisse illam seque tutum evasisse credere poterat, nisi sciret e iudicio sibi nil metuendum esse, multum contra apud populum valuisse si quis iudices a sua parte staturos affirmaret ex Aristophanis illis constare videtur Vespp. 594:

Κάν τῷ δήμῳ γνώμην οὐδεὶς πάποτ' ἐνίκησεν, ἴδεν μὴ εἶπῃ τὰ δικασήρι' ἀφειῖναι πρώτιστα μίαν δικάσαντα.

Maximi praesertim ei fuisse, qui calumniis fere in republica gerenda uteretur, multaque igitur ipse ad iudices deferenda curaret, ut illos benevolos haberet, nemo in dubium vocabit.

Jam videamus de artibus, quibus Cleo iudicum animos sibi conciliaverit.

In illa re eo praesertim usus esse videtur ut ostenderet quovis modo iudicum commodis sese prospicientem, id est enrantem ut satis mercedis illis daretur; Cf. Arist. Eqq. 255 sq.:

*ὦ γέροντες ἡλιασαί, φράτερες τριωβόλου
οἷς ἐγὼ βόσκω κεκραγῶς καὶ δίκαια καὶ δίκαια,
παραβοηθεῖθ', ὥς ὑπ' ἀνδρῶν τύπτομαι ξυνομοτῶν.*

Qua in re distinguenda sunt ea, quae in ipsis iudiciis ab iis, quae in cetera reipublicae administratione egerit Cleo. Ad alterum genus id pertinet, quod legitur in Aristophanis Equitibus

*ἴάν τις εἶπῃ βωμόλογος ξυνηγόρος
οἷκ' ἔξιν ὑμῖν τοῖς δικασταῖς ἄλφιστα
εἰ μὴ καταγνωσεσθε ταίτην τήν δίκην.*

Synegori quidem munere functum esse Cleonem ubi

apud populum summa gratia valeret, mihi quidem vix probabile videtur; ex eo quod de Synegoris tanquam *νανίσκοις* et *μειρακίοις* loquitur Aristophanes, Acharn. 680, Vespp. 687, suspiceris eorum fere illas partes fuisse, qui nuperrime ad rempublicam accessissent vel secundas quasi agerent, nec dubito, quin adulescentes isti Cleonis asseclae in illis praesertim versati sint. Ipsum tamen saepius in causis ad rempublicam pertinentibus, quippe ubi accusator exstitisset ut in Lachetis illo iudicio, in Vespiis, quasi canum esset lis, descripto, eorum iudiciis verba focisse, et ut ceterarum fere artium, quae in Equitibus perstringantur, ita etiam synegororum illius auctorem habendum esse pro certo sumi posse videtur.

In altero genere rursus distinguenda sunt ea, quae ad mercedem iudicalem constituendam ab iis, quae ad pecunias in mercedem illam colligendas pertineant. Fatear necesse est, mihi quidem non liquere, utrum statuendum sit necne, Cleone auctore triobolum dari coeptum esse, quum Perielis, qui mercedem iudicalem instituit, aetate minor fuisset. Duo vero certa esse videntur et id egisse Cleonem, ut spem adderet civibus, ubi in bello gerendo persisterent imperiumque augerent, mercedem illam auctam iri, quo pertinent Aristophanis illa, Eqq. vs. 797 sq.:

*Ἔστ' ἄρ' ἐν τοῖς λογίοισιν
ὥς τοῦτον δεῖ πορ' ἐν Ἀρχαδίᾳ πεντωβόλου ἡλιάσασθαι,*
et belli sumtus tanti fuisse, ut fieri vix possit, quin de mercede etiam iudiciali diminuenda sermo aliquando fuerit, Cleonem autem tali consilio semper adversatum esse, cum

cetera omnia quasi circumroderet. Jam de una alterave quaestione agendum videtur, quae cum his cohaereat.

Athenis aliquando iis etiam, qui comitiis interessent, mercedem dari solitam esse, et quidem belli Corinthiaci tempore, quo Ecclesiazusae aetæ sunt, triobolum, antea obolum datum esse ¹⁾ notissimum est. Quod si quis teneat, mirum ei accedat, de Cleonis in illa mercede constituenda et curanda opera nihil ab Aristophane memorari; semper de sola mercede judiciali loquitur poeta. Scilicet inde colligas, mercedem illam comitiam post Cleonis demum aetatem datam esse. Et Periclem quidem solam mercedem judicialem instituisse, ex Aristotelis, auctoris de his rebus locupletissimi, verbis colligere licet, Polit. II, 12: *ὥσπερ τυράννῳ τῷ δήμῳ χαρίζομενοι τὴν πολιτείαν εἰς τὴν νῦν δημοκρατίαν κατέστησαν, καὶ τὴν μὲν ἐν Ἀρείῳ πάγῳ βουλὴν Ἐφιάλτης ἐκόλουσε καὶ Περικλῆς, τὰ δὲ δικάσῃρια μισθοφόρα κατέστησε Περικλῆς*. Eo, quo Quadringenti Athenis constituti sunt, tempore mercedem comitiam dari solitam esse conjicias, quod ita optime explicetur, quid commune habuerint duo ista, quae factiosi necessaria esse praedicabant: *ὥς οὔτε μισθοφορητέον εἴη ἄλλους ἢ τοὺς στρατευομένους, οὔτε μεθεκτέον τῶν πράγματων πλείους ἢ πεντακισχιλίοις, καὶ τοῖτοις οἷ ἂν μέλιστα τοῖς τε χρήμασι καὶ τοῖς σώμασιν ὠφελεῖν οἷοί τε ᾖσιν*. (Thuc. VIII, 65.) Itaque non sine causa mercedem istam post pacem Niciae, ante bellum Siculum, fortasse Alcibiade ejusq. asseclis auctoribus, institutam esse suspiceris.

1) Aristoph. Eccles. 392 sqq.

Porro quaerendum est, recte illud dicatur ab Aristophane, nihil fuisse nisi iudices, quod Cleo non circumroderet. Queritur poeta Eqq. 1350 sqq. de populo, duorum oratorum altero in navibus construendis, altero in mercede danda, certam pecuniam consumere suadentibus. hujus semper consilia sequente. Nullus dubito quin orator iste *ὁ τὸν μισθὸν λέγων*, poetae ac spectatoribus fuerit Cleo; nec tamen propterea statuendum videtur, veritati congruam esse poetae rationem et vere Cleonem iis adversatum esse qui in rem navalem augendam, snntus impendere suaderent. Populus regeneratus triremium nantis, quoties domum rediissent, stipendium integrum daturum sese esse affirmat, nec credo defore, qui, Cleonem inde quoque detraxisse, his verbis significari putent (Eqq. 1366). Est autem locus ¹⁾ ubi ipse Aristophanes Cleonem inprimis nautarum plebis facit patronum, in eanum illa lite, ubi is, qui pro altero cane, Iabctem accusante, verba facit.

Λιγότερα γὰρ

ἔργων διδρακε καὶ τὸ ῥυπαπαῖ

Scilicet id quidem semper agit poeta, ut vitam rusticam prae ceteris, quae acrarium premerent, artibus commendet, ubi vero ex illis unam alteramve carpit, nautarum fere patroni partes agere sese fingit, quod praeter illud, quod attuli exemplum, locus etiam ex Acharnensibus ostendit vs. 161 sqq.

τοισδὶ δι' ὁ δραχμὰς τοῖς ἀπειρωλημένοις;

ὑποζέροι μέντ' ὁ θαρίτης λιῶς,

ὁ σωσίπολις·

1) Vossii. vs. 908 sqq.

nec iude aliena sunt, quae de equis naves conseudentibus et Corinthum petentibus scripsit poeta Eqq. 595 sqq., nimirum ut ostenderet, opinor, equites eosdem exantlare labores ac nautas, nec recte illis quasi opponi, quod quum equites ad ditiores, nautae ad pauperiores pertinebant, a Demagogis facile fieri poterat. Nullo igitur jure ex Aristophanis fabulis colligi posse arbitror nautarum mercedem minnere potius quam ut dari posset curare solitum esse Cleonem, quippe qui et plebis et vero belli gerendi patronus nautarum etiam inprimis commodis prospicere debuerit.

Exemplum alius rationis quo in plebis commodum pecunias publicas impendendas curaverit Cleo, illis inest quae de sacrificiis, de quibus Senatus consultum tulcrit, leguntur in Aristophanis Equitibus vs. 652 sqq. Ea quae de frumento et agris populo distribuendis memorantur in Vespis vs. 715 sqq. ad aerarium non pertinent, nec quid in illis egerit Cleo, facile quis statuatur.

Quod si ita est, id, quod omnia *περιτρώγειν* fertur Cleo, non nisi ad exactiones minorisve momenti vexationes pertinere necesse est, et Cleonis operam magis in iis versatam esse, quibus aerarium impleteretur, quam in certis quibusdam mercedibus suppeditandis, ceteris reipublicae sumtibus minuendis. Opportune igitur quaestio institui posse videtur de artibus, quibus pecunias in aerarium conferendas curaverit Cleo.

Primum locum teneat illud, quid hac in re munere Senatoris fungens praestiterit. Quod praesertim ad ipsos Athenienses pertinere, unde pecunias quovis modo exigeret

Cleo, e loco Equitum, quem attuli, vs. 774 sqq. confici potest; ubi enim de sociorum civitatibus sermo fuisset, *ιδιωτῶν* opinor, ut uteretur vocabulo non futurum fuisset; nec eo pertinere illa, quae in iuquillos agere potuerit, mox videbimus. — Nimirum *ερεβλοῦν* illud et *ἄρχειν* ad ea referenda videntur, quae in debitis a vectigalium redemptoribus exigendis egerit Cleo, sive Senatus consulta de illa re ferret sive e Senatus auctoritate ipse ageret; verborum enim hoc loco delectum ad poëtae magis animum in Cleonem infestum quam ad veritatem factum esse, non sine causa quis suspicetur, et rem omnino ad Senatum pertinere, vel e jurisjurandi Senatorii fragmento apparet, in Demosthenis Timocratea pag. 730 servato. Praeterea de tributo extraordinario ad finem anni a. Chr. n. 428 Atheniensibus primum imposito, cogitari potest, quippe cujus curam Senatui mandatum esse, nemo, opinor, facile dubitet, qui reputet, ejus uergetia maximam partem ad rem pecuniariam pertinuisset. Et locus quidem in Equitibus ubi tributum illud memoratur, vs. 923 sqq.:

*Λώσεις ἐμοὶ καλὴν δίκην
ἰππομένους ταῖς εἰσφοραῖς·
ἐγὼ γὰρ εἰς τοὺς πλουσίους
σπεύσω σ' ὅπως ἂν ἐγγραφεῇς.*

satis ostendere mihi videtur, hoc tempore ejus descriptionem non adeo ad censum illum a Solone institutum pertinuisse, sed tabulas potius compositas esse eorum, qui ditiores viderentur. Quod ejusmodi erat negotium, ut singulos Senatores, qui in illo maxime versati essent, apud

populum laudem inde sibi petere, quod pecuniae istae facillime ac citissime exactae essent, etiamsi privati de illa re querelas agerent, nemini mirum videri possit, nec dubito quin illuc etiam ex parte referenda sit jactatio ista Cleonis, de pecuniis quibus aerarium ditasset. Illud vero quod eodem loco est *μεταπειν*, ad ea pertinere credas, quae *ἐπιδόσεις* dicuntur, in quibus petendis si quando senatus illis opus esse decrevisset sine dubio multus fuerit Cleo, sive adiret tantummodo saepius ditiores, sive minis et sycophantiis, ut ita dicam, in aerarii commodum adhibitis, eos persequeretur.

Negari quidem nequit eadem agere potuisse Cleonem, ubi Senatorii muneris expertus, privatus homo apud populum Senatunque auctoritate valeret, quod tum e loco isto de *εἰσφοραῖς* patet, tum inde quod id proprium esse, eorum, qui populo praecissent, a personato Demosthene Eqq. 167 affirmatur ut potestatem habeant in carcerem conjiciendi et in custodiam dandi ¹⁾. Tamen ut per Senatum illa agi debebant, fieri non potuit quin si quid laudis inde peteretur, ad Senatum illud pertineret, recteque igitur personatus Cleo imprimis de iis glorians inducitur, quae Senator egisset. De anno, quo Senatorio munere functus sit Cleo,

1) In praetorum quoque rebus Cleonem, quippe qui summa apud populum auctoritate valeret, eadem fere agere potuisse, ac si praeturam ipse gereret satis patet ex illis, quae isleiaro minari eum videmus Eqq. 912 sqq. *ἐγὼ σε ποιῶσι τραπεχεῖν, ἀναλίσκοντα τῶν σπαντοῦ πρὶ;* eodem porro referri possunt ea, quae vs. 1369 sqq. leguntur.

*ἔπειθ' ὀπλίης ἐνιθεῖς ἐν κατελόγῳ
οὐδεὶς κατὰ σπονδὰς μετεγγραφήται.*

parum mihi liquet, neque enim ex initio Acharnensium certi quid colligi posse arbitror. Suspiceris autem Cleonem, quippe qui ad Senatorium praesertim, quod gesserit, munus ea referat, quae in ditando aerario praestiterit inde initium duxisse ubi ad rempublicam administrandam populumque moderandum accederet, quod si verum sit statuendum videtur illi Senatui eum adfuisse, qui per alteram partem anni a. Chr. n. 428, primam sequentis anni partem, archonte Diotimo, hoc munere functus est, ac tributum extraordinarium primum describendum curare, de Mytilenacis quum sese dedissent illi, consultum ferre debuit. Mancipis porro operam praestitisse Cleonem, nec illud parum valuisse ad gratiam ejus apud populum firmandam, nullo labore ostendi potest. Nimirum conviciis eum persequens *τελώνην* dicit Chorus Equitum vs. 248 et Isiciarius vs. 362.

ἀλλὰ σχελίδας ἐδηδοκῶς ὠνήσομαι μέταλλα.

Unde vectigalium redemptiones ceteraque quibus manceps quis fiebat, coram populo facta esse apparet, eum igitur qui tanti redimeret, ut omnes liberalitate superare videretur, populo gratissimum fuisse nullum dubium est.

Quaeri tamen potest, qui tandem illa ad Demagogos pertinere potuerint, pauperes, ut isiciarius iste, et ii, quos statim quis suspicaretur, fore ut deficerent ubi primum pensio numeranda foret. Scilicet impudentia ista, quae sola oratoribus praecisset, vectigalium etiam redemptoribus magni erat, et illis, ubi apud populum simul gratia valebant, vexationes tutius exercere licebat. Cavendum tantum erat ut

vectigalia illa vel ad solos divites pertinerent, quale metallorum illud, vel ad inquilinos, quos inprimis vexatos esse a Cleone suspicor, quum illa de peregrinis Eqq. 326:

ἢ σὺ πιευνῶν ἀμέλγεις τῶν ξένων τοὺς καρπίμους,
Ib. 1408:

ἴν' ἴδωσιν αὐτόν, οἷς ἔλωβᾷθ' οἱ ξένοι.

vix minus recte ad illos quam ad solos socios referri possiunt. Patet inde, quomodo simul opprobrio esse potuerit nomen illud *τελώνης*, et rem ejusmodi qua populi gratiam quis captaret. Bonorum autem publicatorum emtionem. Eqq. 103:

ἐπίπαζα λείξας δημιόπραθ' ὁ βάσκαρος

per se ad Demagogos fere pertinere, qui de illis populi-scita tulissent, facile quis videat.

Vectigalium redemptionem ex iis fuisse, quibus populi simul et suis commodis prospiceret Cleo, satis apparet. Praeterea inde fiebat ut militiae adstrictus non esset ¹⁾, quod sine dubio iis, qui artibus potius demagogicis quam bellicis rebus auctoritatem sibi conciliare studebant, magni momenti erat. Et in Equitibus objici quidem videmus Cleoni *ἀσράτειαν* vs. 443:

Σὺ δ' ἀσρατείας εἵκοσιν

κλοπῆς δέ πλεῖν ἢ χιλίας. (γραφὰς φευξει scil.)

ita vero ut sentiamus, gravissimam istam accusationem non fuisse ejusmodi, quae nullo modo repelli, populi igitur iram in Cleonem accendere posset, quum contra *κλοπή* ac *δωροδοκία* passim illi objiciantur.

1) Cf. Dem. in Nescram p. 1354 *ἀνεχόμενος τὴν πενήτησιν τοῦ αἵμου ἐν εἰρήνῃ* καὶ οὕτως αὐτῷ ἀτελείας ἐκ τῶν νόμων.

Quod bonorum publicationes memoravimus, id eo nos ducit, ut paucis videamus de altero, qui inprimis nobis tractandus est loco, de calumniis quibus et istas et alia consecutus sit Cleo, quamquam ea, quae de aerario ditando fecerit, nondum omnia attigimus, ex his vero multa cum altera illa quaestione cohaerent. Pertinebant istae calumniae ad tria fere capita, quod ii, qui rempublicam administrarent, pecunias inde subtraxissent, quod cives largitione corrupti, civitati male consulissent, quod vel illi vel ii qui Atheniensium imperio subjecti essent, contra civitatis salutem inter se conjurassent. Et variae quidem erant formae, quibus illa agebantur; ceterae, quae memorentur, *δειλίας* ac *ξενίας γράφαι*, ad iudicia pertinent, nec opus esse videtur ut de illis disputemus.

Quod primo loco memoravimus calumniarum genus ad rationes a magistratibus reddendas totum pertinet. Res igitur coram iudicibus agenda erat, eoque pertinet Vesparyum locus de iudicio Labetis canis, i. e. Lachetis, quem de stipendiis militum, quibus in Sicilia praefnerat, detraxisse accusaverit Cleo. De iudicii illius ratione postea videbimus, nunc tantum attuli tanquam exemplum eorum, quae in illis Cleo agere solebat. Queritur autem Aristophanes, ceteroquin nec ipse probitati eorum qui rempublicam administrabant, valde confidens, Cleonem *τὰ κοινὰ πρὶν λαχεῖν καταθέειν* (Eqq. 258) i. e., ut sequentia ostendunt de pecuniis publicis enim subtrahere, ante quam ipse magistratus esset illaeque igitur ei commissae essent, observare enim illos, qui rationibus reddendis obnoxii

erant, ut calumniarum metu illos partem sibi tradere cogeret eorum quae peculati essent, vel etiam statim accusaret, ut bona publicata sibi cederent. Huc enim referri potest id quod de ἀπράγμονι illo ac κερηνότι, quem e Chersoneso duxisset, memoratur vs. 261 sqq., quod Kortuemius Vir. Clar., satis mire, ni fallor, ita accipere videtur, quasi Athenienses qui Chersonesum aliosve locos Atheniensibus subditos habitabant, domum redire cogerent, ut magistratibus fungerentur.

Illud fortasse latet in eo, quod est ἀποσυνάξεις, quod si incertius esse quis iudicet, locum adeat in Vespis vs. 914 sqq.:

καὶ μετέδωκ' αἰτοῦντί μοι κτί.

Utrumque significari credas illis, quae leguntur in Equitibus, vs. 824 sq.:

καὶ τοὺς καυλοὺς

τῶν εὐθυγῶν ἐκκαυλίζων

καταβροχθίζει, κάμφοϊν χειροῖν

μυζιλᾷται τῶν δημοσίων.

Alterum quod memoravi etiam ad rationes magistratibus reddendas pertinebat, ut verbi causa anno a Chr. n. 424 praetores, qui classi in Siciliam missae praefecti erant, rei facti sunt quod ἐξόν αὐτοῖς τὰ ἐν Σικελίᾳ κατασφραγίσθαι δώροις πεισθέντες ἀποχωρήσαι, Thuc. IV, 65. Praeterea talibus fere accusationibus coram populo contra adversarios utebatur Cleo, quippe quos non nisi donis corruptos eam, cui favebant, causam suam fecisse significabat. In Oratione praesertim, quam Cleoni tribuit Thucydides

his artibus utens inducitur, quas illi exprobrat adversarius Diodotus. Haec igitur inprimis pertinebant ad locum, quem in civitate sibi vindicabat Cleo, de quo antea egimus; in iis quae supra memoravi etiam ad incrementa attendi potest quae et aerarium publicum mulctis ac bonorum publicationibus et Cleonis res familiaris inde capere potuerit.

Pervenimus jam ad eas calumnias latissime omnium patentes, quae conjurationes spectabant. Etenim cetera, quae attigi, adhiberi non poterant nisi in republica administranda ac gerenda quis versaretur; conjurationis vero vestigia in quotidiana Atheniensium vita quaerere ac populo, in ditiores praesertim suspicaci, ita indicare ut in reos turbae cicerentur non adeo difficile erat. Intentissimum sese fuisse conjurationibus in urbe detegendis personatus Cleo jactatur Eqq. 861 sqq.:

ὅστις εἰς ὧν

ἔπαισα τοὺς ξυνωμότας, καὶ μ' οὐκ ἐλέηθην οὐδὲν
ἐν τῇ πόλει ξυνιστάμενον, ἀλλ' ἐνθὺς κέκραγα.

Et jocosa quidem sunt ista in Eqq. vs. 237 sq.:

τοῦτ' ἐγὼ δὲ τὸ Χαλκιδικόν ποτήριον;

οὐκ ἔσθ' ὅπως οὐκ Χαλκιδίας ἀφίστατον.

ac Bdelycleonis illa Vespp. 488 sq.:

ὥς ἀπανθ' ὑμῖν τυραννίς ἐστὶ καὶ ξυνωμόται κτλ.

satis vero inde patet, levissimis argumentis saepe nixas esse conjurationis istas accusationes. Duo praesertim ex Aristophanis fabulis de hac re statui posse videntur, tum quod conjurationi tribuere fere solebat, si in republica ipse

offenderet c. g. Eqq. 257:

παραβοηθεῖθ' ὥς ὑπ' ἀνδρῶν τυπτομαι ξυννομοτῶν,
tum quod in illis, ut sua firmaret, historicis, ut ita dicam,
fictis verisve argumentis, e genere eorum, quos accusabat,
petitis, utebatur, quod sine dubio Athenis plurimum va-
lebat, c. g. Eqq. 445 sq.:

ἐκ τῶν ἀλιτηρίων σέ φη-

μι γεγονέναι τῶν τῆς Θεοῦ.

Accusationes istas ad Senatum pertinere ex Eqq. 475
sqq. ceteraque in eadem fabula de Cleonis in Senatu actis
narratione satis apparet. Nec dubito quin ad illas praeser-
tim referendum sit illud, quod ad Cleonis sycophantiam
pertinere videtur Eqq. 264 sqq.:

καὶ σκοπεῖς γέ τῶν πολιτῶν ὅσις ἐστὶν ἀμνοκῶν

πλουσιος καὶ μὴ πονηρός καὶ τρέμων τὰ πράγματα.

Haec omnia ad cives eaque quae illi vel inter se, vel
cum hoste, vel cum Atheniensium subditis cum civitatis
damno agerent. Jam pergendum est ad turbas ac calum-
nias, quas in hos egerit Cleo. Quaestio vero illa non ver-
satur in meris artibus demagogicis; id maximi momenti
erat Atheniensibus, ut imperium, quod sibi comparaverant,
retinerent, pecuniaeque inde quam plurimum rediret. Et
alterum quidem magnam eorum, qui in republica versa-
bantur, curam postulare, e Chalcidensium Lesbiorumque
defectionibus iisque, quae in Thraciae oria Brasidas, in
Jonia post cladem in Sicilia Atheniensibus allatam, Alci-
biades egit, luculenter apparet; idem vero Demagogorum
calumniis malisque artibus, prae omnibus fere quae in

Atheniensium civitate agebantur, ansam dare, nemo dubitet. Distinguenda igitur sunt ea, quae, sociorum rebus re vera turbatis, ab iis quae ipse turbas concitans, de illis egerit Cleo, quamquam saepius incertiora ista videantur. In iis, quae tributum spectabant, opera eorum, qui rempublicam Atheniensium gerebant, ad ejus vel descriptionem vel exactionem pertinere poterat. Ita quidem rem distinguendam esse putes, in aequalium vero scriptis haec omnia saepius ita traduntur, ut intellecta difficilia videantur.

Ordiamur autem ab iis, quae certissima habenda sunt, Cleonis de Lesbiis ac Scionaeis consiliis. Apparet ex iis, quae Thucydides coram populo dicentem enim fingit et quasi absolvit in fine Orationis his verbis: *κολάσατε δὲ ἀξίως τούτους τε, καὶ τοῖς ξυμμάχοις παράδειγμα σαφές καταστήσατε, ὅς ἂν ἀφισῇται, θανάτῳ ζημιωσόμενον* (III, 40), Cleonem in ea sententia versatum esse, sive ut civitatis sive ut suis commodis prospiceret ut terrore comprimendos esse socios censcret, quum contra adversarii sacvitiam istam, in eos qui defecissent, reprehendendam, omnes vero vires intendendas esse censebant, ut ceteras defectiones praevenirent Athenienses. Qua in re cetera quidem parvi momenti esse videntur, eo vero attendendum, quod versus finem Orationis Diodotum afferentem fingit Thucydides III. 47, *νῦν μὲν γὰρ ὑμῶν ὁ δῆμος ἐν πάσαις ταῖς πόλεσιν εὐνοὺς ἐστὶ, καὶ ἡ οὐ ξυναφίζεται τοῖς ὀλίγοις, ἢ ἔάν βιασθῇ ὑπάρχει τοῖς ἀποστήσασιν πόλεμιος εὐθὺς*, eaque quae sequuntur usque ad *τοῖς τε ἀδικοῦσιν ὁμοίως κείσθαι καὶ τοῖς μὴ*. Haec

verissime esse disputata, neminem latet, qui belli Peloponnesiaci hestoriam noverit, et constat praeterea Lesbios post cladem, quam in Sicilia passi erant Athenienses, defecisse quidem nec tamen magnas molestias illis suscitavisse.

Haec vero quaestionem non dirimunt, quae de hac re agitari possit, utrum Atheniensium commodis consuluerit Cleo, quum ista suaderet, nec ne. Etenim Alcibiadem, quem jure summi ingenii et consilii virum dixeris, eadem de Meliis protulisse, quae de Lesbiis ac Scionaeis Cleo, tradunt et Plutarchus in vita Cap. XVI et Pseudo-Andocides contra Alcibiadem pag. 123; nec video quid mali Scionaeorum et Meliorum fata Atheniensibus peperisse habenda sint. Haec vero ut recte exponantur ac dijudicentur, majorem rerum Graecarum notitiam postulare mihi videntur, quam ut penitus in illa me demittere audeam. Id vero pro certo haberi potest, si summa quaesiverit Cleo in suadendis istis de Lesbiis ac Scionaeis, optime eum suis commodis prospexisse; licet enim dubitetur an reipublicae salus postulaverit, ut solo terrore comprimerentur sociorum contra Athenienses machinationes, satis apparet ut populi moderatoribus operam darent, et omni modo eos sibi conciliare studerent, nihil majoris esse quam ut re vera illos timerent. Quod si tenemus, facile cum illa agendi ratione componere possumus ea, quae de Cleone, socios opulentiores conspiracy criminibus persequente, ut illi donis ipsum placare cogerentur, notissimo illo Pacis loco tradit Aristophanes vs. 639 sqq., ubi cave ne

illud ὡς φρονεῖ τὰ Βρασίδου urgeas, nam sine dubio ante Brasidae res gestas eadem egisse censendus est Cleo. Et eo processit Cleonis in illis rebus lueri cupido, ut non tantum universe ejus in socios irae obsequio placandae essent, quod fere ad mores eorum, qui Atheniensium reipublicae praecurrant, pertinere significat Thucydides III, 11. ἀπὸ θεραπείας τοῦ τε κοινοῦ αὐτῶν (τῶν Ἀθηναίων) καὶ τῶν αἰεὶ προϊσῶτων περιεργιγόμεθα (οἱ ξύμμαχοι), sed ad certa consilia ferenda de sociorum rebus ab illis, pecunia data, impelli posset. Cf. Aristoph. Eqq. 930 seq.:

σε δὲ

γνώμην ἰρεῖν μέλλοντα περὶ

Μιλησίων καὶ κερδανείν

τάλαντον, ἣν κατιργάσῃ.

Haec autem minus jam pertinent ad Cleonis de sociis defectionem molientibus calumnias, at potius ad ea referri possunt, quae de rebus vere agendis suaserit, qualia ea sunt, quae ad tributum pertinebant. Quo imprimis attendisse Cleonem Aristophanes auctor est Eqq. 313:

καπὸ τῶν πετρῶν ἄνωθεν τοὺς φόρους θυγνοσκοπῶν.

Manca autem et obscuriora ea sunt, quae de hac re ex Aristophanis fabulis colligi possunt, quapropter pauca praemonenda esse videntur.

Constat tributa, quae Atheniensium sociis pendenda erant, primum descripta esse ab Aristide, qui eorum summam CCCCLX talentorum esse voluit Thuc. I, 96, initio autem belli Peloponnesiaci DC talentorum eam fuisse Thucydides II, 13, nos docet; per bellum vero intra paucos

annos magnopere auctum esse e loco praesertim ex Aristophanis Vespis apparet, vs. 660:

τούτων πλήρωμα τάλαρτ' ἐγγὺς δισχιλία γίγνεται ἡμῖν¹⁾

et Andocides quidem de pace p. 93, Aeschines de falsa legatione p. 337, MCC talentorum fuisse tradunt, Plutarchus Arist. XXIV, MCCC. — Inde vero quod primo belli Peloponnesiaci anno tributorum summam CXI talentis auctam esse videmus, nondum colligere licet, novam descriptionem tributorum institutam esse; aliquot enim civitates interea ad tributa pendenda coactas esse Thucydidis aliorumque testimonio constat. Post Aristidis illam tributi descriptionem, novam factam esse ab Alcibiade novemque aliis, quibus illud ab Atheniensibus mandatum esset, Pseudo-Andoeides contra Alcib. p. 116 tradit, cujus ratio si vel probetur, nihil tamen impedit quominus statuatur, jam ante novam descriptionem, singularum civitatum tributa, suadentibus iis, qui post mortem Periclis rempublicam administrabant, saepius ab illis aucta esse, et pecuniarum collectionibus, quae aliquoties apud Thucydidem a praetoribus Atheniensium factae memorantur, saepe ita in civitatibus suaeque commoda usos esse illos, ut nova ista descriptio onus, quod sociis incumberebat, non adeo auxerit. Cui vero ratio ista personati Andocidis non urgenda nec illud probabile esse videtur, inde ab Aristide usque ad Alcibiadis tempora tributorum descriptionem intactam mansisse, illi maximi momenti est locus in Xenophontis

1) Reditum publicorum scil.

de Republica Atheuicium libello III, 5, ubi morae memorantur, quas rebus agendis civitatis ratio afferat; τὸ δὲ μέγιστον, inquit, εἶρηται, πλὴν αἱ τάξεις τοῦ φόρου· τοῦτο δὲ γίνεται ὥς τὰ πολλὰ δι' ἔτους πέμπτου. Quae si ad Cleonis etiam aetatem pertinent, dubitari nequit quin τάξεις istae τοῦ φόρου et huic et si quis alius eadem ageret, prae ceteris omnibus ansam dare debuerint ad populi simul gratiam captandam suisque rebus prospiciendum. Fac autem morem illum ab illa inde tributorum descriptione ducendum esse, de qua personatus Andocides egit, illam vero simul cum Deliorum festi, quod quinto quoque anno agebatur, institutione, anno 425 ante Chr. n. (nam Deli lustratio hieme, quae annorum 426 et 425 ante Chr. n. erat locum habuit, festum post illam actum est Thuc. III, 104,) factam esse, locus iste Xenophonticus jam a nostra re alienus esse videbitur. Nec equidem is sum, qui de quaestione ista certi quid statuere posse mihi videar.

Redeamus ad Aristophanem. Nullum in ejus fabulis locum novi, ubi Cleonis in tributo describendo opera distincte memoratur. In pecuniis vero a sociis exigendis versatum esse Cleonem, isiciarii verba docent Eqq. 1070 sq.:

. . . ναῦς ἐκάζοι ,

αἰτεῖ ταχέας ἀργυρολόγους οὔτοσί.

Nec tamen illa prorsus expedita sunt; Thucydides enim nonnisi *στρατηγόν* memorat, qui expeditionibus ad colligendas pecunias susceptis praefuerint, quo munere Cleo non ante annum 425 a. Chr. n. functus est. An de solis iis

cogitandum est, quae hujus anni hieme egerit Cleo? Obstat, ni fallor, id quod est *ἐκάζοντι*. Mihi quidem ista non liquere fateor. Venio ad locum obscurum qui est in Vespis vs. 669 sqq. Questus erat Philo-Cleo, ne decimam quidem reddituum publicorum partem in judicium usum impendi; patri roganti, quid tandem de cetera pecunia fieret, demagogis cedere responderat filius et tua, inquit, culpa illud sit, qui hos tibi praeicias (quod an ad munera, quibus illi fungerentur, referendum sit, dubium videtur), tum sic pergit:

καὶ θ' οὐτοὶ μὲν δωροδοκοῦσιν κατὰ πεντήκοντα τάλαντα ἀπὸ τῶν πόλεων, ἐπαπειλοῦντες τοιαυτὴ κἀναφοβοῦντες, δώσετε τὸν φόρον, ἢ βροντήσας τὴν πόλιν ὑμῶν ἀνατρέψω.
Cleonem principem fuisse eorum, qui vs. 666 memorantur, vix dubites. Gravissimis autem difficultatibus hic locus premitur. Etenim si e certis illis Atheniensium civitatis redditibus populi moderatoribus quid cedebat, peculatui illud tribuendum erat, quo de pecunia ad certa negotia gerenda illis data partem detraherent, at poëta *δωροδοκίαν* illis objicit. Porro, quatenam sunt minae illae, urbem eversum iri, nisi tributa pendantur? Demagogis non opus erat, ut debita solvere socii ab Atheniensibus cogerentur. An id voluit poëta, demagogos a sociorum civitatibus petere ut sibi traderentur ea, quae Atheniensium civitati pendenda erant? Hac quidem ratione difficultates tolli videntur, ac prope abessem ut eam probarem, quamquam fatendum esset, subabsurda proferre poëtam, nisi illud quod est *δώσετε τὸν φόρον* vix isto modo explicari posse arbitrarer. Dubium igitur mihi videtur quo locus iste pertineat.

Videamus de loco ex Acharnensibus vs. 5 sqq.:

*ἐγὼ δ' ἐφ' ᾧ γε τὸ κίερα ἐνφράνθην ἰδὼν ,
τοῖς πέντε ταλάντοις οἷς Κλέων ἐξήμισεν.
ταῦθ' ὡς ἐγανώθην , καὶ φιλῶ τοὺς ἱππείας
διὰ τοῦτο τοῦργον.*

De quo loco plura quaeri possunt. Ante omnia tenendum est, et alios ex Aristophanis fabulis locos ostendere, Cleonem et Equites infesto sibi invicem animo fuisse, et iude quod *ταραξιπύροισι* cum dicit Chorus Equitum patere, eum in Republica gerenda certis consiliis eos petivisse.

In Scholiis duobus, ad Equitum istam cum Cleone similitatem pertinentibus, Theopompum laudari videmus, et quidem, ut ex altero ad Eqq. 226 apparet Philippicorum ejus librum decimum. Traditur ibi, Cleonem Equitum contumeliis irritatum fuisse, ubi ad rempublicam accederet, et inde ab eo tempore mala in illos machinari non desiisse, *λιποσρατίου* maculam illis adspergentem. In altero Scholio ad Acharnensium vs. 7, Aristophanea illa, quae attuli, ad litem Cleoni ab Equitibus, quos offendisset, intentatam referuntur, quod ab insulaeis pro auxiliis in levaudo illis tributo praestandis quinque talenta accepisset. De his pauca quaedam animadvertenda habeo.

Quenam fuerit causa Cleonis in Equites infesti animi non liquet. An quod ut minus idoneus a magistro Equitum, faventibus illis, ex eorum numero exauctoratus fuerit? Scholiasta quidem ad Eqq. vs. 225, *ὅτε εἰς ἡν ἀντών*, inquit, *πακῶς διέθην*; sed haec mera conjectura esse

videtur. Quod vero ad artes attinet, quibus Equites vexaverit ille, non sine causa ad Senatorium, quo functus sit, muuus illas referendas esse conjicias; constat enim Equitatus curam inprimis Senatui mandatam fuisse ¹⁾, nec obstant Theopompi illa, quum *λεποσρατίον* ista accusatio vix ad lites in singulos Equites a Cleone intentatas, potius eo referenda esse videntur, quod Equites domi otium agere quereretur, ceteris civibus bellis transmarinis occupatis ac propterea a stipendiis ceterisque quae in Equitatum alendum impenderentur detrahare conaretur. Cui rationi inprimis favent Aristophanea illa, quae supra jam attuli, *ἀ ξένισμεν τοῖσιν ἵπποις καὶ* Eqq. 595 sqq. Quod si quis tenens locum illum ex Acharnensibus legeret, nec Scholiastam adiret, vix dubito fore ut is omnia ista ad litem referret, Cleoni intentatam ubi Senatorii muneris rationes reddendae ipsi erant, quod scilicet in Equites male consulisset legesque, quae eo spectarent, violasset.

Nec fere opus est ut moneam, si vel Archonte Diotimo Senator fuerit Cleo, causam illam agi potuisse Archonte demum Euthyno. At si quis Scholiastae auctoritatem secutus *δωροδοκίας* litem Cleoni intentatam esse credit, illi eo, opinor, confugiendum est, ut unum alterumve e notissimis Equitibus, ita ut de vera litis intentatae causa nemo dubitare possit, eam Cleoni intentasse perhibeat. Fatendum quidem est, id quod in Aristophaneis est *ἐξήμεσιν* aptius referri ad ea, quae propter peculatus donive cum reipublicae damno

1) Cf. Xenoph. de officio Mag. Equit. Cap. I, § 8.

accepti crimen solvere coactus esset Cleo, quam ad multam, quae illi imposita esset. Cf. Eqq. 1147 sqq.:

ἔπειτ' ἀναγ-
κάζω πάλιν ἐξιμεῖν
ἄττ' ἂν κεκλόφωσί μου
κημόν καταμηλῶν.

Falsam vero Scholiastae rationem esse apparet, si quidem recte perhibent VV. DD. infamia notari eos, qui donis sese corrumpi passi essent. Quod tamen in dubium vocari posse mihi videtur propter Lysiae illa, quae leguntur versus finem Apologiae de crimine largitionum, ἡγουμένους ἡμῖν μὲν δεινόν, ὅμῃν δὲ αἰσχρὸν εἶναι, εἰ ἀναγκασθὴσόμεθα ἐπὶ τοιαύταις αἰτίαις ἄτιμοι γενέσθαι ἢ ξερεθέντες τῶν ὑπαρχόντων πένητες εἶναι; ubi enim vel infamem vel pauperem sese futurum esse dicit reus, fieri vix potest quin infamia eos tantum notatos esse credamus, qui δωροδοκίας damnati, debita non solvissent. Praeterea conferri potest Thucydides Lib. IV, 65: τοὺς μὲν φυγῇ ἐζήμωσαν, . . . τὸν δὲ τρίτον Εὐρυμέδοντα χρήματα ἐπράξαντο, ὥς ἐξὸν αὐτοῖς τὰ ἐν Σικελίᾳ κατασρέψασθαι δώροις πεισθέντες ἀποχωρήσειαν, Eurymedontem enim postea praeturam gessisse notum est.

Erroris praeterea argui videtur Scholiasta ad Acharnenses, quod non sit probabile, si quinque talenta ab insulani accepisset Cleo, nonuisi illa reipublicae cessisse, quum vel decupli poenam illis irrogari, qui δωροδοκίας convicti essent Dinarchus tradit contra Demosth. p. 44. Et factum esse potest, ut Scholiasta Aristophanis locum

de suo explicaverit, Theopompum vero laudaverit, quod illum de similitudine Cleonis cum equitibus agere sciret. Quare Cleonem *δωροδοκίας* accusatum, propter Equitum in eum iram, ac damnatum esse non puto pro certo affirmari posse nec vero negare illud ausim.

Id ipsum vero ostendit, me non eum esse, qui Cleonem *κλέπτην* et *δωροδόκον* fuisse certis argumentis probari posse arbitrer, quum praesertim Aeliani illum locum, quem initio hujus dissertationis attuli, non tanti esse putem, ut inde certi quid colligi possit. Id vero tenendum puto, Athenienses in ea fere opinione versari solitos esse, ut eos, qui rempublicam administrarent, inde magnas sibi opes comparare crederent; Cf. Lysias pro bonis Aristoph. *Κλειφῶντα δὲ πάντες ἴσσι, ὅτι πολλὰ ἔτη διεχειρίζει τὰ τῆς πόλεως πάντα, καὶ προσεδόκατο πολλὰ ἐκ τῆς ἀρχῆς ἔχειν*, qui sane non, ut comicus suspicioni obnoxius est quod omnia jocandi causa in majus auxerit. Nemo igitur miretur, Aristophanem vel cuivis Atheniensium, sine civium offensione, ista objicere potuisse. Sed quid quaeso id sibi vellet, quod Cleo glorians inducitur, sese libenter furtiva sua confiteri, ceteris denegantibus, Eqq. 296:

ὁμολογῶ κλέπτειν· σὺ δ' οὐχί.

nisi re vera ea fuisset impudentia, ut non multum abesset, quin communi eorum, qui rempublicam gererent, vitio sese laborare, id ne obtegere quidem dignaretur.

Superest ut paucissimis verbis ea attingam, quae in superiore disputatione omisi. Quod prostitutioni finem imposuisse jactatur Eqq. 877:

ἔπαυσα τοὺς βινουμένους, τὸν Γρύττον ἐξαλείψας.

apte comparari potest cum iis quae contra conjuratos perpetrabat, plebis enim patroni partes agebat, sive in eos saeviret, qui malis moribus illam offenderent, sive in eos, qui illam loco, quem in civitate teneret, depellere conarentur. Quis fuerit Gryttus, nemo, opinor, facile dixerit; ne nomen quidem usquam me invenire memini, quod si quis vel cognominis loco habendum, vel in Gryllum mutandum esse contendat, non obsto. Scholiastae et alia ineptissima quaedam tradunt et illud, capitis damnatum esse Gryttum istum; *ἐταιρήσεως* litem illi intendisse Cleonem, unde infamia notatus evaserit, equidem nullus dubito; quod si verum est, *ἐξαλείφειν* illud ad nomen e tabulis ecclesiasticis erasum referri poterit ¹⁾.

Porro de urbis munitione aliquando egisse Cleonem locus in Equitibus vs. 817 sqq. ostendit,

*σὺ δ' Ἀθηναίους ἐζήτησας μικροπολίτας ἀποφῆναι
διατειχίζων καὶ χρησμοδῶν.*

De quo vix certi quid statui poterit, nec commemorassem fortasse locum illum, nisi vidissem, perperam hunc a nonnullis referri ad ea, quae a Thucydide II, 94, memorantur. Nimirum et haec ad Periclis tempora pertinent et nullo modo de urbe munienda, de Piraei tantum portibus custodiendis hoc loco agitur: *καὶ μετὰ τοῦτο φυλακὴν*

1) Mortis quidem poena plecti τοὺς ἑταιρηκότας si certis muneribus funderentur, certos locos adirent, ex Aeschinis contra Timarchum Orat. constat. An vero hac referri possit id quod est *ἐξαλείφειν*, vehementer dubito.

ἀμα τοῦ Πειραιῶς μᾶλλον τὸ λοιπὸν ἐποιοῦντο, λιμένων τε κλήσει καὶ τῇ ἄλλῃ ἐπιμελείᾳ. Et Cleonis quidem in republica gerenda partibus omnino convenit, omnia eum gessisse ut Athenarum urbs facillime defendi posset, quippe quod cives cum bello quasi conciliaret; cum vero id sibi proposuisse, ut si vel Piraeus captus esset, urbs defendi posset, illud vix intelligo quomodo cuiquam in mentem venire potuerit, quum certissimum sit, Athenis a mari disjunctis, fore ut neque civitas imperium, neque igitur Cleo ea retineret, unde pleraque illi commoda profluerent, quae in republica gerenda capere posset.

Legati munere functum esse Cleonem ex uno Equitum loco colligi potest vs. 465 sqq.:

Οὐκουν ἐν "Αργεὶ μ' οἶα πράττει λανθάνει
 πρόφασιν μὲν 'Αργείους φίλους ἡμῖν ποιεῖ
 ἰδίᾳ δ' ἐκὶ Λακεδαιμονίοις ξυγγίγνεται.

Haec vero quo pertinere mihi videantur in sequenti capite exponam, nec fere Demagogi erat, ut legationibus, nisi certae ipsius rebus essent utilitati, operam daret.



CAPUT OCTAVUM.



Ultimo loco de iis agendum est, quae in reliqua vita post Sphacteriac expugnationem, quae ad summum illum in civitate locum evexit, egerit Cleo. Initium ducendum est ab ipsa illa expugnatione, quae quando facta sit, ideo accuratius definiendum esse videtur, quod inde de cetera quoque Cleonis vita quaedam statui posse putem.

Huc pertinet locus ex Aristophanis Nubibus, vs. 581 sqq.:

*εἶτα τὸν Θεοῖσιν ἐχθρόν βυρσοδέψην Παφλαγόνα
 ἦνιχ' ἤρεῖσθε στρατηγόν, τὰς ὁρεῦς συνήγομεν
 κάποιούμεν δεινὰ βροντὴ δ' ἐρέαγῃ δι' ἀσράπης·
 ἡ σελήνη δ' ἐξέλειπε τὰς ὁδοίς· ὁ δ' ἥλιος
 τὴν θρυαλλίδ' εἰς ἑαυτὸν ἐνθέως ξυνελκύσας
 οὐ φανεῖν ἔφασκεν ὑμῖν, εἰ στρατηγήσει Κλέων.*

Nonnulli inde colligi posse putant, Cleonem post lunae defectum, qui, teste Scholiasta ad vs. 584, mense Boëdromione ejus anni quo Stratocles Archon fuit ¹⁾ locum habuit, praetorem creatum esse. Proelium igitur quod a

¹⁾ Ol. 88,4, mense Sept. anni a. Chr. n. 425.

Thucydide IV, 11 sqq., memoratur ejusdem anni initio commissum esse statuendum esset, nam inter Cleonis electionem et Sphacteriae expugnationem aliquot dies intercessisse patet; haec autem teste Thucydide IV, 39, LXXII diebus post proelium illud locum habuit. Quod si vel concedamus pugnam, servata illa ratione, extremo mense Sciophorione ¹⁾ superioris anni potuisse committi, Lacedaemoniorum tamen legatio Stratoclis anno adscribenda esset, quae non nisi circa vigesimum post proelium diem Lacedemonem redierit, Thuc. l.l. cf. IV, 23: ἀφικομένων δ' αὐτῶν διελεύοντο εὐθὺς αἱ σπονδαὶ αἱ περὶ Πύλον. Hanc autem temporis constitnendi rationem multis premi difficultatibus, facile demonstrari potest. Etenim Lacedaemoniorum anni a. Chr. n. 425 in Atticam invasio et solito maturius facta est ²⁾, et quindecim tantum dies duravit ³⁾, nec multo post proelium commissum esse potest. Nicias autem expeditio a Thucydide IV, 42—45 memorata, non ita brevis illa, quum post praelium in agro Corinthio commissum Methonen munierit, et aliquot certe diebus post Sphacteriae expugnationem suscepta, (nam nec probabile est nec e Thucydidis illis IV, 42: μετὰ ταῦτα εὐθὺς colligi potest, nova agitata esse, antequam de Pylo custodienda consilium cepissent et exsecuti essent Athenienses) vix ad aestatem pertinere potest, si statuendum sit, Boëdromione mense omnia commissa esse, quae inde a Cap.

1) m. Junio Julian. anni a Chr. n. 425.

2) Thuc. IV, 2.

3) Ibid. 6.

28 ad 39 a Thucydide narrantur. Denique Philochorus a Scholiasta ad Lucian. Timon. laudatus, ea quae ad pacis conditiones a Lacedaemoniis propositas pertinent Enthydemi ¹⁾ anno adscribit.

Statuendum igitur esse videtur Aristophanes illa de lunae defectu non ita esse accipienda, ut inde colligi possit, post illum Cleonem praetorem creatum esse; quod ne ulla quidem difficultate laborare videtur, in re enim quae anno et aliquot mensibus ante actam fabulam accidit, ubi tempora constituenda essent paulo negligentiori esse licuit poëtae. Propterea vero in illis exponendis longior fui, quod, si vera vidissent illi, quorum rationes refutare conatus sum, solis defectum, quem vs. 584 attigit Aristophanes, et ad ineuntem aetatem anni ante Chr. n. 424 referendum esse Thucydides docet IV, 52, eodem a poëta referri, quo lunae illum, minus probabile futurum fuisset, de praetura igitur iterum Cleoni mandata accipiendum esset.

Mihi autem cur inde a Sphacteria expugnata usque ad annum ante Chr. n. 422 praeturam non gessisse Cleo videatur, paucis indicare lubet.

Est quidem locus Plutarchi, unde conficias, post res ad Pylum feliciter gestas, bellicis praesertim rebus operam dedisse Cleonem, Reip. gerend. Praecept. XV: *ὁ δ' ἀπλησίᾳ δόξης ἢ δυνάμει πᾶσαν ἑαυτῷ τὴν πόλιν ἀνατιθείς, καὶ πρὸς ὃ μὴ πέφυκε μὴδ' ἤσκηται προσάγων αὐτὸν, ὡς Κλέων*

1) Legendum est Euthyni, nam hoc Archontis Ol. 88,3. nomen esse constat auctoritate inscriptionis, quam ante hos 12 annos edidit Rossius.

πρὸς τὸ στραγγεῖν..... οὐκ ἔχει παραίτησιν ἀμαρτάνων.
Ex iis vero, quae etiam nobis de Cleonis vita supersunt monumenta, facile tale quid colligere potuit Plutarchus, vir doctrinae potius copia scribendique facilitate quam iudicio insignis. Praeturam, qua quum fungeretur Sphaeteriam expugnavit, non suscepisset, nisi Nicias populusque eum quasi coëgissent; in altera, eo duce, expeditione suscepta, ipse quidem ut sibi praetoris munus traderetur, populo persuasisse dicitur (Thuc. V, 2), causam vero prorsus singularem cogitari posse, cur hoc tempore praetura illi petenda esset, mox videbimus.

In ceteris, quae, post Sphaeteriae expugnationem, contra Peloponnesios gesta esse tradit Thucydides, nusquam Cleonem memorat, eaque, quae de Cleonis in expeditione contra Amphipolin habitu dicit V, 7: *ἐχρήσατο τῷ τρόπῳ, ὥπερ καὶ ἐς τὴν Πύλον ἐντυχήσας ἐπίστευσέ τι φρονεῖν*, suspicionem movent, rebus bellicis inde a tempore quo Pyli rem gessisset, nullam operam dedisse Cleonem. Quod si a maioribus igitur expeditionibus ducendis abstinuisse censendus sit, vix probabile dici potest, eum, summa auctoritate apud populum valentem, praeturam petivisse, in qua gerenda nihil memorabile praestiturus esset ¹⁾.

1) An Cleo expeditionem istam in Euboeam, Archonte Isarcho, teste Philochoro apud Scholiastam ad Vespp. vs. 716, susceptam, cujus nullam facit mentionem Thucydides, duxisse putandus est? At de ipsa expeditione vehementer dubito, quam praesertim in iis, quae statim sequuntur, tempora turbet Scholiasta et e Scholiis ad Nubb. vs. 213. constat, expeditionem a Pericle contra Euboeenses anno a. Chr. n. 445 susceptam a Philochoro memorari.

A Sphacteriae inde expugnatione usque ad sequentis anni 424 ante Chr. n. auctumnum, bellum contra Peloponnesios felicissime gerebant Athenienses, pacemque saepius illis a Lacedaemoniis oblatam semper repellebant IV, 41, quod Cleonis etiam auctoritati tribuendum esse nemo dubitet. Ceterum ad ea, quae hoc tempore gessit, Aristophanis duo pertinent loci, Eqq. 393, sq.:

*νῦν δὲ τοὺς σάχους ἐκείνους, οὓς ἐκεῖθεν ἤγαγεν,
ἐν ξύλῳ δῆσας ἀφαιεῖ ἀποδόσθαι βούλεται.*

et vs. 465, sq.:

Οὔκουν ἐν Ἀργεὶ μ'οῖα πράττει λανθάνει κτλ.

..... ἐπὶ γὰρ τοῖς δεδμεμένοις χαλκεύεται.

Quae non defore credo qui eodem spectare credant, scilicet id ipsum ab Aristophane populo significari Cleonem de captivis Lacedaemoniorum civitati reddendis clam cum illis egisse; Cf. Schol. ad ill. locum: *Φησὶν οὖν, τοὺς ἄνδρας ἐκείνους, οὓς δῆσας ἤγαγεν, ἀφιῆναι νῦν καὶ ἀπολύσαι διανοεῖται*. Quod tamen dubito an recte quis statuere possit. Etenim probabile videtur, revera eo pertinuisse Cleonis cum Argivis negotia, demagogi cum civitate ad popularem rationem exacta, ut illos ad bellum contra Lacedaemonios suscipiendum et societatem cum Atheniensibus incundam impelleret, quod si vel nunc non ita facile fieri posset, intra paucos annos, Argivorum cum Lacedaemoniis induciis tricennalibus finitis, factum iri, dummodo antea res ab utraque parte composita esset, non sine causa Athenis credi poterat. Et isiciarii personae, loco illo, ubi Cleonem iis, quae de amicitia Argivos inter et

Athenienses componenda ageret, praetextu uti praedicat, convenit, ni fallor, ut absurda potius quam veri similia Cleoni objiciat. Praeterea, quid facias isto ἐν ξύλῳ δῆσα; ἀφαιεῖ, si de captivis reddendis sermo esset? Suspicio vendendos potius illos aliquando contendisse et ignominia affecisse Cleonem, ut talibus suadendis Atheniensium in Lacadaemonios animos magis magisque incenderet. Quamquam nec illud probem, plebiscitum de vendendis captivis tulisse Cleonem si quis dixerit, ipsius enim, opinor, commodum postulasse censendum est ut illi Athenis in carcere manerent.

Proxima vero hieme et Brasidas in Thraciae vicinis regionibus feliciter rem gerere coeperat, et prope Delium gravissima clade Athenienses affecti sunt ¹⁾. Quare in-
cunte auno 423 ante Chr. n. ²⁾ Lacadaemoniis annuas iuducias, per quas de pace ageretur litesque omnes arbitrio componendae essent, petentibus satisfecerunt. Quod signum manifestum imminutae Cleonis apud populum auctoritatis habendum esse videtur, quippe qua praesertim ad pacem prohibendam usus sit. Mox vero ea secuta sunt, quae Cleoni omnino favisse nemo dubitet, eoque locum illum Vespares referendum esse credas, vs. 62 sq.:

οὐδ' εἰ Κλέων γ' ἔλαμψε τῆς τύχης χάριν

αὐθις τὸν αὐτὸν ἄνδρα μνῃσσομένην.

Inducias enim pactis quidem sed nondum in regionibus

1) Cf. Thuc. IV, 89 sqq.

2) Ol. 89, 1, mensis Elaphebolionis die XIV. Ibid. 117.

ubi Brasidas bellum gerebat promulgatis, Scione in Pallene peninsula ad eum defecerat, neque illam reddere voluit Brasidas. Quod aegre ferentes Athenienses nec Lacedaemoniis dicto audientes fuerunt, ad arbitrium ex induciarum formula provocantibus et Scionem statim aggredi decreverunt.

Hoc autem Cleone suadente factum esse, nullus dubito, quippe quem plebiscitum de Scionaeis e sedibus suis evertentis et interimendis tulisse tradit Thucydides IV, 122; et sine dubio occasionem illam arripuit, ut in Lacedaemonios, ne induciis quidem pactis ab Atheniensium rebus carpendis abstinentes, civium animos incenderet. Paulo post increvit Atheniensium ira, Mendaeis etiam, incolis urbis quae Scionae vicina erat, ad Brasidam deficientibus. Itaque copiae missae sunt, quae brevi tempore Mendam sub Atheniensium potestatem redegerunt ac Scionem vallo circumdederunt.

Nec lis ista, Lacheti paulo post, certe ante Lenaea, quae Aminia Archonte acta sunt ¹⁾, a Cleone intentata parum valuisse censenda est ad pacis fautores Cleonisque igitur adversarios deprimendos. Laches enim plebiscitum de induciis tulerat ²⁾ et quamquam in iudicio absolutum eum esse e loco Vesparum, qui eo pertinet, apparet, ex eodem illo loco colligi potest ne Aristophanem quidem pacis amantissimum et Lachetis igitur hoc tempore studiosissimum, omni culpa eum absolvere. contigisse igitur Cleoni

1) Cf. Vespp. argumentum.

2) Cf. Thucyd. IV, 118.

nt civibus persuaderet suum in republica adversarium cum civitatis damno suis rebus prospexisse.

De ipsa lite pauca addam, quod nonnullis ista minus liquere video. Etenim recte quidem illa referunt ad ea, quae inde ab anno 427 ante Chr. n. usque ad ineuntem annum 425 in Sicilia gessit Laches, haerent vero in eo, quod causa, tribus annis post Lachetem e Sicilia revocatum, acta est. Id ipsum vero facile intelligi posse credo, dummodo attendatur ad ea, quae a Thucydide V, 4 traduntur de legatione in Siciliam missa quae Leontinorum res ibi curaret. Satis enim liquido e Vesparum isto loco apparet, peculatus accusatum esse Lachetem; nam neque illud *εἰ δ' ἐφείλετο* vs. 958, neque ipsa, opinor, accusationis formula vs. 894 seq.:

. Ἐγράψατο
κύων Κυδαθηναίων Λάβητ' Αἰξωνία
τόν τυρόν ἀδικεῖν ὅτι μόνος κατήσθιε
τόν Σικελικόν.

ad *θωροδοκίας* accusationem referri possunt. At quid illud, quaeras, vs. 964:

Ἀπόκριναι σαφῶς,
εἰ μὴ κατέκνησας τοῖς στρατιώταις ἀλαβῆς;
Φησὶ κατακνῆσαι.

quid *τυρός* ille *Σικελικός*, si peculatus accusatus sit Laches? Scilicet sermo esse videtur de pecuniis, quas ad nautas alendos a Leontinis acceperit Laches, partim vero in suum usum converterit ac si vel milites illis donaverit, tamquam de suo illud fecerit, nec populo rationes

integras reddiderit, de qua re Cleo per Leontinorum patria pulsorum nuntios certior factus, in iudicium illum vocaverit.

Pergamus ad causam, cur expeditionem in Thraciae vicinas regiones suscepit Cleo. Quam ex Thucydidis narratione facile colligi posse arbitror. Ea enim, quae per inducias gesta sunt, ejusmodi fuisse patet, ut adhibere illa potuerit Cleo ad cives, ut bellum denno susceperent, impellendos. Pacis vero auctor Nicias erat, qui expeditionem illam, qua Menda capta, Sciove oppugnari coepita erat, duxerat. Quod si Niciam belli contra Brasidam gerendi difficultates, quum pacem suaderet, enumerasse putemus, Cleoni, quippe cui post Sphacteriam expugnatam bellica arte nequaquam sese carere persuasum esset, fere id agendum erat, ut ipse civitates, quae ab Atheniensibus defecerant, debellare polliceretur.

De ipsa expeditione ac de morte Cleonis Thucydidis narrationem ¹⁾ laudare satis esse duxi, perspicuam illam ac fide dignam; ea enim quae de Cleone in illa iniquius judicari quis credat, optime conveniunt cum ceteris, quae de illo vidimus, nec quemquam, opinor, Diodorus diversa

1) Lib. V, 2—13. Quo tempore pugna ad Amphipolim fuerit commissa accurate nos docet Cap. 12: καὶ ἐπὶ τοῖς αὐτοῖς χρόνοις, τοῦ θύρου τελευτήσας, Περσῶν κτλ. — ἐκ διακριβόντων δ' αὐτῶν ἔτιχεν ἡ μάχη αὕτη γενομένη καὶ τὸ θύρος ἐτελεύτη. Sub finem igitur Boëdromionis Attici (i. e. Septembri Juliano) Archonte Alcaeo, Ol. 89, 3, anno a. Chr. n. 422. Cf. Androtionis Fragm. 46. Schol. ad Aristoph. Nubh. vs. 549. Nihil igitur nos molestant Grammaticorum hallucinationes, qui annum hujus proelii incertum fecerunt.

tradens ¹⁾ morabitur. Itaque nihil impedit, quominus
finem disputationi mese imponam.

1) Diod. XII, 74. Cf. Scholiast. ad Aristoph. Pac. vs. 283.



TANTUM.



THESES.



I.

Μισθός ἐκκλησιαστικὸς post Cleonis demum aetatem institutus est.

II.

Falsa est sententia Wachsmuthii (Hellen. Alterthumsk. Vol. 1, 1), qui putat legitimum in civitate munus indicari nomine *προσατῆς τοῦ δήμου*.

III.

Perperam Wolfius ad Isocratis Areopagiticum: „Iudicia enim penes pauperes erant et quotannis Iudices mutabantur.”

IV.

Perperam Schömann. (in Libr. de Comit. Athen.p. 81.) contendit, *ἰσοτελεῖς* non tantum liberos fuisse a praestandis iis, quae reliquis inquilinis imposita essent, sed aliis quoque juribus prae illis usos esse.

V.

Male Grote (History of Greece, Tom. VII.) ex Atheniensium et Meliorum colloquio Thucydidem infesti in Athenienses animi arguit.

VI.

Falsa et commenticia sunt quae narrat scholiasta ad
Aristoph. Nubb. vs. 510.

VII.

Aristoph. Acharn. vs. 559:

καὶ συκοφάντης εἴ τις ἦν ἀνείδισας;
expungendus est.

VIII.

Thucyd. II, 36. τὰ δὲ πλείω αὐτῆς αὐτοὶ ἡμεῖς οἶδε
(οἱ νῦν ἔτι ὄντες) ἐπηξήσαμεν,
dele ineptum glossema.

IX.

Ibid. βάρβαρον ἢ Ἑλληνα πόλεμον ἐπιόντα προθυμῶς
ἡμυνάμεθα,
expunge πόλεμον.

X.

Ibid. 39. οὔτε γὰρ Λακεδαιμόνιοι καθ' ἐκάσους, μετὰ
πάντων δ' ἐς τὴν γῆν ἡμῶν στρατεύουσι,
leg. καθ' ἑαυτούς.

XI.

Ibid. 40. προδιδαχθῆναι μᾶλλον λόγῳ πρότερον ἢ ἐπὶ
ᾧ δεῖ ἔργῳ ἐλθεῖν,
leg. πρότερον ἐφ' ᾧ, deleta particula ἥ.

XII.

Ibid. ἡναντιώμεθα τοῖς πολλοῖς,
Attici dicebant ἐναντιώμεθα, quod reponendum.

XIII.

Ibid. 41. τὸν αὐτὸν ἄνδρα παρ' ἡμῶν κτε.
Imo vero παρ' ἡμῖν.

XIV.

Ibid. οὔτε τῷ πολέμῳ ἐπιελθόντι ἀγανάκτησιν ἔχει,
additiciū est πολέμῳ.

XV.

Ibid. οὐ δὴ τοι ἀμάρτυρόν γε τὴν δύναμιν παρασχόμενοι,
οὐ δὴ τοι — γε Graecum non est, repone οὐ δὴπου — γε.

XVI.

Ibid. 44. οὐκ ὀλοφύρομαι μᾶλλον ἢ παραμυθῆσομαι,
necessarium est ὀλοφυσθῆναι.

XVII.

Ibid. λυπη ὧν ἂν τις μὴ πειρασάμενος ἀγαθῶν
ξερίσκηται,
πειρασάμενος pro πειραθείς barbarum est. Lege πε-
πειραμένους.

XVIII.

Ibid. 49. ἀσθενεία ἀπεφθίροντο,
Repone tralaticium διεφθίροντο.

XIX.

Ibid. 61. μεταβολῆς μεγάλης, καὶ ταύτης ἐξ ὀλίγου,
Emenda δι' ὀλίγου.

XX.

Thuc. III, 44. ἦν τε καὶ ἔχοντές τι ξυγγνώμης εἶεν,
tuemur hanc conjecturam ut legatur: ἦν τε καὶ ἔχοντάς
τι ξυγγνώμης σῶσαι.

XXI.

Ibid., 52. εἰρημένον γὰρ ἦν αὐτῷ κτέ.
Spuria esse γὰρ ἦν, scholion arguit.

XXII.

Ibid. τοσοῦτον μόνον,
Abiice μόνον.

XXIII.

Ibid. 59. Inepte scribitur κεκμηῶτας pro κεκμηκότας.

XXIV.

Id. IV, 25. οἱ ἄλλοι "Ἕλληνας ξίμμαχοι ἐς τιμωρίαν
ἐπέρχονται,
spurium est ξίμμαχοι.

XXV.

Ibid. 26. ὁ χρόνος παρὰ λόγον ἐπιγιγνόμενος,
restitute ἐπιτετινόμενος.

XXVI.

Ibid. 28. τῶν Ἀθηναίων τι ὑποθουρβησάντων,
emenda ὑπό τι θουρβησάντων.

XXVII.

Ibid. ὅπως ἔτι ἐξαπαλλαγῇ,
Dele ἐξ.

XXVIII.

Ibid. 29. τὴν ἀγωγὴν διὰ τέλους ἐποιεῖτο,
Imo τὴν ἀναγωγὴν.

XXIX.

Ibid. 40. οὔτε λιμῶ οὔτε ἀνάγκῃ οὐδεμιᾷ ἡξίουں τὰ
ὄπλα παραδοῦναι,

Scribe τὰ ὄπλ' ἄν παραδοῦναι.

XXX.

Ibid. 41. ἐλήζον τε τὴν Λακωνικὴν,
Scribe. ἐλήζοντο τὴν Λακωνικὴν.

XXXI.

Ibid. 119. μηνός Γεραζίου,
Verum nomen est Γεραιζίου.

XXXII.

Id. V, 32: ἀξιούτων καὶ αἰτιωμένων Κορινθίων
ξυνθέσθαι σφίσιν

Id. αἰτιωμένων Κορινθίων καὶ ἀξιούτων κτέ.

XXXIII.

Ibid. 35: ἐξαγαγεῖν ἐκ Πύλου Μεσσηνίους καὶ τοὺς
ἄλλους Εἰλωτάς τε καὶ ὅσοι ἠντομολήκεισαν ἐκ τῆς
Λακωνικῆς

Id. Μεσσηνίους τε καὶ τοὺς ἄλλους ὅσοι κτέ.

XXXIV.

Id. VI, 5: Καὶ τὴν πόλιν αὐτοῖς *ξυμμάκτων ἀν-
θρώπων οἰκίσας.*

Leg. Καὶ τὴν πόλιν αὐτὸς *ξυμμ.* κτέ.

XXXV.

Ibid. 33: Οὐθ' ὅτι *μεγάλῳ στόλῳ ἐπέρχονται,
ἀνωφελεῖς, ἀλλὰ πρὸς τε τοῖς ἄλλοις Σικελιώταις πολὺ
ἄμεινον.*

Leg. Οὐθ' ὅτι *μεγάλῳ στόλῳ ἐπέρχονται, ἀνωφελές,* κτέ.

XXXVI.

Ibid. 55: Οὐδ' τοῦτο ἀπεικόντως διὰ τὸ *πρεσβεύειν
τε ἀπ' αὐτοῦ καὶ τυραννεύσαι.*

Leg. διὰ τὸ *πρεσβεύειν καὶ ἀπ' αὐτοῦ καὶ
τυραννεύσαι.*

XXXVII.

Isocrat. Panegyri. (Edit. Stereot. Tom. I. p. 46):

ὅσοι μὲν ἐνθὺς ἐπιελθόντας διδάσκουσιν,

Leg: *ὅσοι μὲν ἐνθὺς παρελθόντες διδάσκουσιν,*

Ibid. p. 60: *ἕστατον ἐπιελθόντα λέγειν:* leg. *ἕστατον
παραελθόντα λέγειν.*

XXXVIII.

Id. ib. p. 57: Καὶ τότε ἦσαν *μέγισται,* καὶ νῦν ἔτι
διατελοῦσιν.

Leg.: *διατελοῦσιν οὔσαι.*

XXXIX.

Id. ib. p. 62: *ἐπαινεῖν τοὺς ὑπερβεβηκότας τὰς τῶν
ἄλλων ἀρετὰς,*

Leg: *τοὺς ὑπερβεβληκότας τὰς* κτέ.

XI.

Id. Areopagit. § 17: *μεγαλοφρονεῖν εἰθισμένους.*

Leg: *μέγα φρονεῖν εἰθισμένους.*

XLII.

Id. ib. § 18: *ἐθεώρουν τὸν βίον τὸν ἐκάστου.*
Leg: ἐφεώρων τὸν κτέ.

XLIII.

Pseud. Plutarch. in Vita Lysiae: *ἐς δ' αὐτοῦ κτέ.*
Leg: εἰσι δ' αὐτοῦ καὶ οὐς ἐς τὴν πολιτείαν αὐτὸς
παρῆλθεν ἔχων, ὃ τε ὑπὲρ τοῦ ψηφίσματος, ὃ ἐγράψατο
Ἀρχῖνος, καὶ κατὰ τῶν λ' ἑτερος.

XLIII.

In Iliad. B. vs. 218.

τῷ δέ σί ὦμον

κυρτῷ ἐπὶ σῆθος συνοχωκότε,

Nihili est *συνοχωκότε* et olim obtemperatum oportuit
 Valckenaerio ad Ammonium *συνοχωκότε* ex analogia et
 Hesychio reponere iubenti.

XLIV.

Livius VI, 4: agerque *iis* novis civibus assignatus
 Ejice *iis*.

XLV.

Id. VI, 30: Quae ubi Romam sunt *relata*.
Leg: . . . perlata.

XLVI.

Ibid. 31: ne quis quoad *bellatum* esset.
Leg: . . . debellatum esset.

XLVII.

Id. VII, 50. Sicut *coepta* celerius.
Leg: Sicut accepta celerius.

XLVIII.

Id. VIII, 10. Dele: *Sicuti Decius devovit.*

XLIX.

Id. IX, 8: Solemnibusque *Senatusconsultis* perfectis.
Expunge *Senatusconsultis*.

L.

Cicero de Republ. I, 31: et quae ipsi non habent *unde*
alii petunt.

Leg. *inde* alii petunt.



005687561



